

Atur Naka Ekanisa Loka Sarudio

Jeffersonville, Indiana, USA

60-1209

1 ...ekabaka. Ajai onaceka alimokin eong ebe ejaas iitabalan lu, araas luka icetunganan yenejai atwanare kede engoti. Aso ibuni oni ailipakin kes kotoma apak naedit. [Kotemari Onac Neville ebe, "Ejaas alipasia aarei akan ya."-Ekewa.] Ailipasia aarei? Eebo, elipakini eong...["Adiopet kotoma kakesi. Adiopet erai ailipa."] Eebo, ipa. Abuni eong aiperikin kes nen kanu ailipakin kes da.

2 Kosodi ice aikopun apapula, abu kobu ne kosodi aikopun apapula kanuikamunitos ngun...nuikamunitos aijaanakin naka moi. Yesi lujjaas ne aipejokin isio, abeit ibuni isio aiyalamikin aanyun ijo ibuni paaran osawan ikanykauni, apaaran naka moi, elosete kesi ajaun kede aijaanakineta nuka ateepon. Ido arai mam ijo iswamai idiobore, ejaun adiopet kotoma aisiianareta Nu-numam ijo ipupunitor eponio aboliain kosodete ajaun kede aijaanakin naka ailipanakin, ido-ido imuno oni ebe ebuni araut apak naejok apaaran naka moi osawan ikanykauni. Ebuni araut apak naepolor aswam kanuka naarai moi, itei ijo, ejai eong aikamar tupuruc kaNaesabiiti, kosodi bobo Naesabiiti kuare da, ka akuar naka moi, da, ka akiro kere nukolo nuikamunitos ikanisan ngul.

3 Kosodi kwana, atupuruc kaNaesabiiti, itojok Ejakait, imuno oni ajaun kede apak naejok, naarai atupuruc kaNaesabiiti kwape eraar awokopaaran naka aiyengun, esubit bala aiyeng ageun akuar kaNaemukaaga...era Atur naka Ekanisa loka Laodikia. Konye atupuruc kaNaesabiiti akoto eong ainyikokin: Abekot Naejotoi, ka *Ajarun*, *Iwongon...Ilukumin Akwatat Akaisaongon ka Luongon*, ka isangeta ngul kere lujarijara lueenikitos aisiiraret nepepe kanuka atupuruc kaNaesabiiti. Egeunete aijaanakineta osawan iuni. Biai ngin edolit, ecokon? Osawan iuni, atupuruc kaNaesabiiti, ebe ikoto oni alemun iboro ngul kere bala nat "Inyobo iswamaikin abekot naejotoi, ido inyobo iswamaikin abekot nakacoa? Iwori ebongunata kesi? Arai aibo etakanuniata ilukumin akwatat akaisaongon ka luongon?" Ka iboro luipu kwa kangul kanuka Naesabiiti tupuruc, kanu aitam arucokin ngun nepepe, eupasi ngin cut kede aisiiraret. Kosodi Naesabiiti kuare ibuni alemun emalaika lokapolon lokawasia ka Aisiiraret nejai atur naka Laodikia, Naesabiiti kuare, itojok Ejakait.

4 Ido kwana, do, apaaran naka moi ejai aijaanakin ne, aijaanakin naka ateepon. Onac Gene alimokin eong napena ebe epote kesi...ebe igeuni oni osawan ikanykauni moi paaran. Kosodi yesi itunga luiminas abunenen aiiranar aisiranareta, ailipi kolutaari, yesi luimoete Emoyo Lokalaunan arai icebore, apak naejok. Ejok ekanisa ido emwana, engaara, ido ekapakina kanuka idiotunganan adiopak naektor alomun toma kosodi ailip ka aimo Ejakait. Engaara ekanisa ido idarit. Ido ijai oni...ibuni amun ijo, aibwaikin ngin koipone kangol, imuno aanyun ijo moi paaran.

5 Arai kotoma apak adio naikotor ijo alomun toma okanisa ailip, inyobo, ejai duc ekapakina. Arai iswamaun ebe egolol ikekia arai icebore, ejai onaceka, loidari ne, erot epuwai. Aomit eong erai 411, eyuunit eong ngun...Arai 811 (biai erai kwangin...?) 811, nepetai aduketait ngin nakokoona kane, 811. Inyobo nges, ejaatar akeberu elacet arai etamata kesi angaar ekek adumun ebe egolol, konye ejalanakinete kesi aticepak tupuruc, engaarete kesi ngol. Araibo akaulo naka aijaanakin, egolokino kuare, kanu aireborit idwe akerit kotomake, ijani ijo, kosodete abilibil idirisan kaiceda; ijani ijo eipone loejaatar idwe, aitelekarit kotoma apak kana. Aso igolokini oni nges kanuka ngun. Mam tikikoto agolit ekek loka ekanisa ediosawa. Arai canat itemokin loce je, ibuni do oni ajalakin ngol kwangin aso ebuni araut do loitegelikina, kasodete oni...ebuni icetunganan ajaut ngina apak kere tetere itunga epedorete alomar toma kosodete ailip, ka aimo aitangal, aimo Emoyo Lokalaunan.

Ijo, yenimameotor kEmoyo Lokalaunan kotoma ajarakon kobua, aiboi kane, aiboi akuar kere arai ikoto ijo, iboii kiton naidumuna ijo Ngol.

6 Araibo ingai ngin kokinga kane yenajai awoere ipak edit kau, "Edeke kaijaraka kere ka Edeke kanginiboisit kere"? Aomit do eong-eong ebe adolu Aurupoorio; angolongoloi eong kangina, kasodi aanyun arai ajai nginitunganan kere. Arai teni ibore yenaumokina; esiyalamikinit eong ngin. Ti oni kititingik ngin irwan nuipu. Eebo, ipa. Nges...Eong alomun toma napena, apak naka aiirar ngun.

Atwania eong awoere najokan kere kotoma airiamununeta kanu naarai aomit eong ebe aticepak...Oo, apol eong aswam noi, ijani ijo eipone loejaatar. Epote itunga-itunga toma kede idegei, agaalin, ka...Mam ijo ipedori ajenun, itei ijo, naarai elomununete kede esimu, ejai ijo alosit nekec, airiamun kakes ka alipanakin kes, ido nginiboisit kere. Inyikokinit ngin alosit ngaren, kasodi atamit aisisia da bobo; einakininit ngin erai ationis mot. Konye iyalama duc oni airiamunun kede itunga ka aiswama nuipedori kere kanukec naarai erai...era ngin awoko...Kirai oni eswamak luka itunga kanuka Ejakait Yesu Kristo nejaas iketunga kotoma apak kana. Ido ikoto oni aswam nuipu adepar nuiswamai oni, konye mam ipedorit.

7 Abu ejaanakinan koker toma atupuruc na, omarani ilwaruna, olosi amunyumunyun, ekesa loajokan. Ido naarai ebe arai ngesi...abu ngesi iswama kiton ailamar. Abu...Abu kogeu anyoun, ido kobwoi akepese kagoola, abu ngin kogeu airim. Anapit ngin ipale yenididi yenarengan; ebala ebe ibore yenawasia yenitunit ngesi nges ibore yenarengan irimirimi, airim, airim, airim, koipone kangol. Odaun, itei ijo. Aso aponi korurukunere nges. Aso erai aswam naepol, itei ijo. kiitu akonikuan ido ikoto oni...iwomit oni ebe

nginilangir kere ibwokokinitai mamawok. Konye ijeni ijo, ejaatar Edeke ibulesin nginiboisit kere kanu aitemonokin acekiro kwa kangun, kwangin iswamai oni idiobore kere yenipedoroni. Konye ejaanakin loesiana loetamit aswam kere nuepedori ngesi kotoma apaarasia kanu kanuka Ejakaitike. Abeit... Kosodi Ejakait alakun nges kangina, engalei kwana ngesi, kosodi ainyakun nepene, engalei, eebo, abu kolot korotoke, elakanar.

8 Ido, oo, abu ibore yenapolon noi iswamaun lolo. Mam eong akoto ageun kotoma oboro kalu, konye... Ijeni ijo, abu eong alimok akaberu, eong ebe, "Kwana, ejaun icetunganan yenebuni ngina, ido ebuni ngesi araut ekiliokit, kouriana, kolangir, itim luiirioko ka akonye nuirioko, ebuni ngesi aisiom aanyunet ngin kosodi ageun...konye inyarauni ijo nges, itei ijo." Eong ebe, "Naarai ejaatar Ejakait aisiraret kanuke." Kasodi eong aikeun Ebaibuli kuju kopukoro, kasodi eong atemar, "Alosi eong aiperikin iboro lu toma ne tetere ijo ianyuni ebe ngun cut kes nuekoto Ejakait nges aswam."

9 Ikar ikanykauni kau, ejai epolisit lo Poland, loetopolounitai ko Poland...Katukonokin ace, abu ngesi kobu ngaren kosodete kesi atemar ebe...arai abu Emoyo Lokalaunan osesen nges, kosodi alimokin nges, ebala, "Itotolikina bon ijo aitotolikina." Ngun kes...Aomit ngesi ebe eong alimunit ngun, konye arai Emoyo Lokalaunan nges alimunit. Abu kosalak kede nges aojau ngin kere, kosodi awasia aitonyoun nges anyoun kOibuga lo Kansas kiton aduketait akuar naka bian, kosodi do teni ngesi atolitolun nakiiraria ngesi aibatisao ngin naka akipi. Abu ngesi kolot ooterike, kosodi Emoyo Lokalaunan atemar, "Konyou kwana kolot kuju ngina." Akoto icetunganan aupun kede nges, konye abu ngesi konger naarai kotoma aitapoet abu ngesi kobu ngesi bon. Ianyu? Ido kwangin...kosodi ngesi, eminas ikiliok aisiom aanyunet, kogeuni, aibeloer kau, kosodi aberu anyarar nges kosodi alosit okek, abu eong atema, "Nges-nges ngol, kobu ngesi lailo."

Abu ngesi kotema ebe, "Eswama anyoika?" Akaulo na nges aanyun, abu kotema ebe, "Kwana aseseni do eong ngin."

Eong ebe, "Akoto eong aitodikin ijo na tetere ijo ijenuni kwana, itei ijo." eong ebe, "Abu Ejakait kalimok eong ebe abeit ijo abunore." Ipedori ijo aingit nges. Eong ebe, "Kwana Naiwadikatai na ne. Kosiom ngin cut kane eroko ijo keloto ngaren."

10 Eebo, ejai ngesi ne kanu aibatisao Kokiror loka Yesu Kristo kwana. Aso...?...Epedori ngesi kojai ne iboie kwana, kes nuajeni eong. Ha? Eebo, kau laiye osooda nges ejai ngesi, eebo. Kobwo...ikeu akonikan kuju tetere itunga eanyunete ijo kangina. Eebo. Asesen Emoyo Lokalaunan...Iswamasi ngun apak kere. Itunga luipu eomitos ebe eponenete aitapoeta kolutaari. Oo, mam erai ngun itegeanarete ngin. Dobodo ngun, Onac Leo? Nginibore, itei ijo. Ijeni ijo, erai na aiboisit naedit kanuka Ngin, kane. Erai na aiboisit naiswamatar adis. Kokinga kangina neelosio Ngin apaaran ka akuar kere, itei ijo. Eebo, ingit akaberu, kosodi ngesi...arai ngul, ka ikaidunyet kokau kangina, Onac Wood, ka ngun kere luejaas ne. Oo, ikatunga! Eraas iboro luididik-luididik kane; erai iboro lukapolok iswamasi kangina. Kwana, ido mam ber elimunitai atutubet da. Oo! Eyalama eong noi kanuka ngun, kwape kijenia ebe eapie Ewokojakait abunore ido ilosi oni ajaun kede Ngesi apaarasia kere do; mere *apaarasia kere*, konye *Ikar Lumam Edaunos*, ka Ikar Lumam Edaunos.

11 Kwana, itojok Ejakait, acamunit eong ebe erai apaarasia atomon ka lukanykauni, Nasabiiti, esabiiti. Nasabiiti, esabiiti, atomon ka lukanykauni. Ajaatar eong kejie loalangir; atamit Satan ainakin eong etuuru lo loejaatar kesi irimi lo kane, enyikokinit eong ainyakanakin ngol nejai ngesi; inyakakini ngesi da eong, enyakari bobo eong nejai ngesi. Aso...ido ajaun eong kede ejie lopekalangir. Aso aticepak ingetakini oni ejie ngol osabiiti ngol. Kosodi do, arai itojok Ejakait, Nasabiiti naebunit, atomon ka lukanykauni. Ido ilosi oni aitam ayangaun aijaanakin ace kanu ailipanakin lukadekak naarai eraas kesi...ejaas iboro eidias ka eidias ido teni engeso lokabeit itamit oni aingaranakin katipet noi kwape kipedoria, ido isawan, isawan kere luka akuar ka nginibore yenebuni kolosi. Aso atomon ka lukanykauni ilosi oni ajaun kede aijaanakin naka aitangal kwape lem. Ido arai ijaatar ijo ice kotoma kaluminanakon luipudas ailipakinio, eebo, ijo ayangaun kes, arai ayangaun kes kotoma apak kangin.

12 Kwana, ejaas itunga luipu luka Jeffersonville luajaas alimonokin eong, ebalas aponitos kesi toma apak kanu adolun ne, nepetai isawan itomon ka ludiopet, ido abalas ebe amamei aiboisit kanuka ber imotokanakec da (arai itomonaarei). Aso kesi...abu eong atema ebe, "Eebo, yesi...Eraas lu Iwokonacan luipejoete kaiboisio kere, itunga, ijaanakinak luipu." Abu eong atema, "Epesikina kesi-kesi toma aisisianakin naka Na."

Ido itamit bon oni atironor nuapolok. Kosodi do ekaulo, inyobo, ibuni oni ajaun kede ngin toma otaabon tetere yesi isiomete ngin ido-ido ebuni araut naiyatakinitai tomake mot, naarai kuare...Imisiik ijo, akuaresia aarei nuatuboros, atamit eong, aideunit eporoto, itei ijo, naarai akidingos ngin nati, ngin nges akoto eong aanyun; ngina neeyangaunere apukokinio naka Yesu Kristo kotoma atur kana, itei ijo, nuka nuerai ngin.

13 Dodo kwana, eroko oni egeuna aisiom Naiwadikatai...Ido ajeni eong ebe moi erai apaaran nakapolon naka agwelanar nakilisi oni kere ayangaun iwokinyamat luka akuar kaNaemukaga toma. Ido ejai alemun

kes kaNaemukaga paaran arai tupuruc, adiofet tetere oni ijaun kede akuar kaNaemukaga alacakin abunore okanisa. Aso ibuni oni aitam aitwar sek atibong na tetere mam yesi ipasi noi moi adumun ngin, kosodete abongun nejai aijaanakin nakapaaran kede inacan kane kede ateepon ka-ka akuar da naka moi.

Kwana, abwoata ber oni ipak edit kanuka ailip, arai ipedori ijo.

Mam eong ajeni eroko oni kilipa, arai ejai ice ne yenejaatar ailipa naitegelikina kanuka ailipakinio. Eseseni Edeke. Kwana ianyuni do ijo arai ijai oni toma akwap naejai eipud arai mam, inacan. Aomit eong akaisakanykaongon ka lukany arai akaisakanykaongon ka lukanykauni kangulukwatat naka esipan apotu ikeutu akecekanin kanuka...Kwana, kiitu, mam ber ijo ipedori aikunyakini da komam Edeke ejeni. Ianyu? Ajeni Ngesi alosikinetakon, ajeni Ngesi nuilipit ijo.

Ketulurwoto awokokwes kwap:

14 Papa Loisiana Lokuju, ijai isio adolokin Alaunitekon atibong na, Eicolongokon, kotoma Aisumunetekon naibalar Ijo ebe ibuni Ijo apupun. Ido arai kiyu isio, kiinakini Ijo isio nuilipit isio. Ido ijai isio alimor akosibucanareta kere. Kimisiikit isio, Ejakait, ebe mam isio-mam isio ibusakinit adio kotoma arerengusiokon. Mam isio-mam isio ibusakinit. Isio kere mam kibusakinit, ido mam isio kibunit bala ibusakinit isio ido-ido ti isio iswamat ibore yenaumokin. Wu Papa, nakisesenia isio Kalvari, elemari ngin apolou awai kamakosi, mam do isio-isio ijeni idiobore dimarai Kristo ido Nges ibubukitai. Ido nakianyuna isio ebe abu Ngesi kojaru kapaaran nakiuniet kwape ejaar kotoma Naiwadikatai, kanuka aitojokiokosi, abu kobong apaarasia akaisaongon ekaulo kotoma adoketait naka Emoyo Lokalaunan, kanu asalakin kede isio kiton atakanunike naidelelei kotoma akuj kotoma apak nakawasia. Ido iseseni isio apak ngin nakawasia edolunit cut katipet kwana. Ido isio kes itunga luyalama kakere, Ejakait, naarai ebe-ebe kiinak Ijo isio arereng naepol.

15 Eyalama eong noi, Papa, ebe iboie esipan lo loepupokinit kede itauon luituluritai, ido kopupokinitos?... Kosodi do, Ejakait, elipi eong ebe italauni Ijo akaituk atibong na, ka nginikuar kere ka nginipak nabunio eong opulupitiKon ainerakin Ikonitunga: naarai, Ejakait, mam kiinakini eong einer idiobore yenibucara. Iroko Ijo ijaas kede apedor agolonokin aitukes kwape ibu Ijo kiswama kotoma abua naka ingatunyo kede Daniel. Ido arai ibusakinit eong alimun idiobore yenimam eupasi kede akotekon, kogolok aitukuka, Ejakait, tetere mam eong alimuni ngin. Isinac akaomisio; kibwaikinai eong orot lokabeit, Ejakait, neabunio eong einer mere idiobore dimarai Abeit. Naarai amisiikit eong ebe kotoma apaaran kangin nakapolon epote itunga lu aidarit kangina kotoma...aidarit kwape ejaar aijaanakin naejaanak eong mamakec. Arai kibu Ijo ayangar edio kotoma Aacerikon, Omalaikanakon, Ijaanakinakakon, Ikonibulesin, ejai ber kes aige alemunio kinga nasodit kwape ejaatar Aisiranareta nu nuilai lem isio ilimonokini kane. Imarakini Ijo kes akiro kanuka ngun, Ikonijaanakinak.

Kwana, Papa, elipit eong ebe kiinakini Ijo Emoyo Lokalaunan einer konye mere etunganan. Okep ikositauon tetere isio ipupuni Nges, abuni eong apupokinit, Papa. Elipit ebe ibuni Ijo aitangal lukadekak ka luisiriebitai. Kere ebe ejaas itunga toma oipud, kanginiboisit kere, kojaun akonisianut ka aitim kede kes. Koinak nginilipa naponi kitejenunai atibong na kede akanin nuekeunitai. Anatar akwap koanyunitos luipu ice ican, karaida ngul luebwoikinitos itabalan lu, ka alipasia nu nueperete kokwap naka akaninika kane, kobongok Emoyo Lokalaunan, Papa, kosodi aitangal lukadekak. Kinerakinos kede isio kwana kotoma Akivotokon naiwadikatai, kede Emoyo Lokalaunan, kilipi isio Kokiror loka Yesu. Amen. Kiboikinos.

16 Kwana atibong na emwana mot kokanisa. Atur nakapolon naka Ekanisa loka Laodikia ebunit. Ido atibong na ijai oni adolokin atur nace ngin nakapolon naka ekanisa naebuni araut atur naikanyet naka ekanisa. Kilem oni atur nasodit Epeso. Amina eong asiom na bobo kotoma ageunet, aponi kesi kere kiwadikai ido kwangin do epuda eong aisiom kes kanukus bobo luipudas aanyun kotoma apapulai kus.

17 Atur nasodit naka ekanisa arai Atur naka Ekanisa loka Epeso, ageun okar A.D. 55 kiton 170. Paul kwape aacerit, ido kerai ngin nges atur nasodit naka ekanisa. "Aswamisio komamei amin" nges angurian naka Edeke. Eropit arai "Ekitoi loka Aijar."

Atur nakiareit naka ekanisa arai A.D. 170 kiton 312, Irenaeus nges arai ekiyakia loka apaaran. Ido angurian arai aiticanio-...arai ican luipu, ka ekanisa loeticanitai. Eropit, "Aboko naka Aijar."

Atur naka ekanisa lokiuniet arai Perugamo, Martin lokalaunan nges arai ekiyakia nejai ekanisa ngol. Arai atur ngin ageun A.D. 312 kiton 606. Angurian arai "asisianakin naka aingal, Satan ingalai, apetetait naka apugan naka Ipaapa kosodi edukone ekanisa kede apugan nepepe." Eropit arai "emanu loibwaitai, ka amoru nakwangan."

Atur naka ekanisa nakiwongonet arai Suatira; Columba nges arai emalaika loka atur kangin naka ekanisa, ekiyakia; A.D. 606 kiton 1520. Ido arai atur naka aijodijodio naka luka ipaapa, Aturio Nukamuton. (Nges arai akuar naka bian, ijeni ijo, Aturio Nukamuton.) Ido eropit, arai "Apedor apugan akwapin, Aacerit naka Atupuruc," nejai emalaika.

18 Kwana, atibong na, ijai oni ageun kotoma atur naikanyet naka ekanisa loka Sarudio, S-a-r-u-d-i-o,

Sarudio. Ido ekiyakia nejai atur na nakekanisa arai Martin Luther, erai naejena kanejai esisian Ebaibuli arai esisianakinan lo, arai esipan, atemas, lolo. Ido abu atur ngin naka ekanisa ogear 1520 kosodi angetakin ko 1750, 1520 kiton 1750; ido erai atur naka ibore yeninyarit oni ebe "Atur naka Aisiteteunio." Ido angurian arai "Aitwasam ekecekiror ikulepek." Ido eropit loka luikidioko kalu luedeuna, arai "Alosit kakonyeneKe kede inapen lukakwangak ka ikecekiroria kotoma Oitabo loka Aijar." Kisirereng Ejakait oni kwape kidolokina kwana oni.

Kwana igeuni oni kotoma okokoro losodit loka esula lo 3, loka atur kana. Aisiraret nejai Sarudio, apak naka aisiteteunio. Aatongot naedeuna naka ikeyuunak, nepetai ebucitos amemeun.

19 Nejaas ice luitetiak, amina eong alim na kane, ebe...tetera mam ijo ijaun kau kotoma kangin. Atemasi erai ibore yenerono, ido acepakio ilosi oni adolokin neibwaikina oni awokosiraret kinga toma...ainomun ngin, alomun toma paaran kasodete aitemokin ngin; aticepak iswamai oni ngin Naesabiiti. Kwana, nginidiopet kanu ebwoikinit-...atur naka ekanisa: adiopet, aarei, auni, aongon, akany, akanykape, akanykaarei. *Na* ageun kede Piladelupia...

Ido *na* kokuju kane ebwoikinit a-apedor naka pentekosit, arai ekanisa loajai Pentekosit. Arai ekanisa loalalalat kotoma ageunet, konye apotu kesi kogeutu e-e-ediini emoyo alomun kakidingosikec aitam aitarau Ekanisa erionget, nanyaritai ebe "Aswamisio nuka Inikolain." Yesi ipupete eong ejok kokau? Eebo? Ejok. "Aswamisio nuka Inikolain." Kwana, mam ber arai *aisisianakin*. Kasodete oni alemun Akirok kasodete abilibil ngin, nuaraas "aswamisio," inyobo arai "Enikolaene." Erai ngol ekiror loitet mamawok Inikolain." Abu eong alem lo Ayonanin kasodi abilibil ngol cut. Ido Niko akepolou "aipikor," araibo "Aitelekaar," araibo "aibiror icebore." Inikolain, *lain* nges ekanisa, "Esipan luemamei adoketait." Inikolain, aswamisio nuatamitos aipikor luemamei adoketait okanisa, kosodete aibwaikin arerengusio kere...ido itunganan bon yenasiomi Ebaibuli, itunganan bon yenainakini aijulunet, nges ekaanyanaran arai icetunganan yenapolon engarenon loka ekanisa.

Ido idumuni oni ebe, kotoma atur nakiareit naka ekanisa, abu kogeu aridun atakanun. Eroko *na* erai Pentekosit: ido erai *lo* ediini (d).

20 Kwana, kotoma atur naka ekanisa lokiuniet, Perugamo, aponi Pentekosit nepetai kirengearai. Konye aisisianakin naka ediini, alomuni kama ejaas "aswamisio" *kane*, cut alosit kiton araun a "aisisianakin" *kane*. Kosodete do kesi, adukokin kane. Apotu kodukokinos! A...atukos na nabu kipiko atukos naka luapentekosit.

Kwana eipone loajaar eong alimun ngin, inacan, erai ngin abeit alopet. Erai ngin kwape ejaar kotoma aiwadikaeta nuka nukiswamas kolosek. Iitabon luka Aurianet naka Nicea, *Foxes Book of the Martyrs*, ka aiwadikaeta kere nukapolok nukolo sek. Ajaatar eong ace kotoma apapulai numojong nuejaunar. Kosodi nginitunganan...Alimunit eong mere kede...Mam eong abala ebe arai eong loka Pentekosit. Mam ngin akepolou erai ebe...neabalar eong "pentekosit," mam ngin erai akepolou erionget loka apak kana najari oni kotoma. Ikamunitos ngol akiro kwape kaluce kere. Konye apeleikinit eong pentekosit obe, Emoyo obe loka Edeke kede Aisisianakin nasodit, kede arerengusio nusodit, kede ikiroria lusodit, kede nginibore kere cut bec koipone kalo ageunor kotoma ageunet kwape abu kitorio Obaibuli.

21 Kwana, kosodi do nakibunio oni atur *na*, ianyuni ijo aojau naebunitor Pentekosit. Yesi isesenete kokau kangina ejok? Ipedoritos yesi ejok kokau kangina? Ejok. Kwana, kobuni kane, akuar natubor, atur nakapolon najai oni toma *kane*, Constantine, Constantine, *C-o-n-s*; abuni eong aibwaikin ngin. Nges, kwape araar ekapirit, arai...abu kilip Ikristayon lu *kane*, (luajaas kede aisisianakin naka Inikolain) Arai apedorete kesi ailip ebe kitelaka ngesi ejie loajai; eebo, ti nges keraun Ekristayot. Kotoma apak kangin neajaar ngesi ojie, abu nges iruja airujasit ebe ebusakinit nges...Kede emusalaba lokakwangan loebwaikinitai ngareneke, abu ngesi kotema ebe, "Kede lo itelekari ijo." Ido edolit ngin. Kosodi ngesi aitonyoun akejore kosodete aculonokin ibukuikec imusalaban lukakwangak ido nen nges arai alibunet arai ageunet naka ainapeta nuka Atulik, lolo, naenyaritai Knights of Columbas.

22 Kwana-kwana, Constantine, ejai...mam ijo ipedori aanyun idiopobore kotoma akiro nukolo, naka nges araut loebelokino. Mam ngol erai imodiobore konye ekepugan loamunaara. Ajaatar ngesi toma aijeneke aomisioit naka-naka aimorikikin akebakanut ka aitogogong da. Aso kotomake elopet, kwape ekapirit, amai aputosia; kosodi do ngesi aanyun ebe aisisianakin naka Inikolain adaunit nepetai airengear awai kotoma aiboisit, aso abu do ngesi itwasam acoa ngipengin napotu oni aanyun akuar natubor.

Ido adwarit Yesu ngun ikar akwatauni kede iwongon kau eroko itodolikina, ebe abuni ngesi aisisianakin aisisianakin naka Balaam. Eipone loabu Balaam kingalaaria idwe luka Isirael, aidupor kes aswam aelo kosodi-kosodi ainaki...alemun iboro lueinanakinitai aputosia, ainyam iboro. Kwana, ijeni oni ebe, "ainyam iboro lu lueinanakinitai aputosia," nuarai ngin cut abeit, arai aima. Alomar toma, ajaas kesi akukonokin aputosia, aibwaikin aputosia ainyakun okanisa loka Ikristayon; cut kwape abu Balaam kiswa kokau kangina, abu koinak Isirael aswam aelo, alosit opucit lo lokapolon loka aputosia.

23 Eebo, abu Constantine da iswama ibore ngipengin kede akecoa, kosodi ngesi ainakin ekanisa. Abu

ngesi koinak nuipu kotoma airiamun naka Nicea, kosodete do kesi...Abu ngesi kitarau adukena nuepu noi nuapolok nuajaatar ngesi, kosodi aijaulakin kes arauw ikanisan. Kosodi ngesi adukun elutaari loti loka marble, loesiritai kede esabu ka amor. Kuju laiye ebwaikinit ngesi bala eicolong, kosodi ngesi aitarauw etunganan ediopet engarenon bala e...anyaritainges apakio ngun ebe "ekaanyanaran." Kosodete aisiboikin nges oicolong, aponi kisiboikinai Boniface 111 oicolong. Mam bon nges abu kirimirim konapite inapen kwape keswama ekakorion, konye aponi kiswamaikinai nges-inapen lukapolok luebusiak kosodete aitanap nges kwape loejok kosodete aisiboikin nges kuju ngina kosodete anyara nges "Ekaanyanaran Lokapolon." Ekaanyanaran lokapolon, arai *Vicarivs Filii Dei*, akepolou ebe "aibois naka Okoku loka Edeke."

24 Kwana, ne nges ejai ngin yenejai acoa, kojen, inom, iwadikau ngun: *Vicarivs Filii Dei*. Ido arai kinomak ijo ekokoro ne kosodi amornikin inaabai, ido idumuni ijo cut bec nuabala Edeke ebe arai emacar loka etiang: akwatakanykape akaisakanykape ka lukanykape. Itei ijo, *Vicarivs Filii Dei*...Kwana, ajaunar eong Rome kasodi ajaun Vatican. Ido aboko naka auni kotoma adiopet: ekisil loka okatwak, akuj, ka purigatori. Ianyu? Abu kaany aboko, inapen lukotoma, aanyunit kere, cut kangina.

Abeit cut, kotoma apaaran naka Nakiwongonet kosawan ikanyaongon abeit eong airiamun kede ipaapa lokawasia loajai ngina. Ajaatar Baron von Blomberg e...kosodi ngesi atemar ebe, "Kwana, nailosio ijo, Onac Branham, ibore yenisodit yenebeit ijo aswam nges akukokin akungikon nakoteten kosodi ainu egilut ngol."

Abu eong atema, "Emamei nen. Emamei nen. Kimurwok ijo ngin." Abu eong atema "Ainakini eong... Emamei eong ationis kede etunganan ngol, nges...?...?" Konye abu eong atema, "Ejai ibore idiopet, ainakini eong idiotunganan akepolou. Arai 'Iyapaara' ngesi, edolit ngin, Ekaanyanaran, Ekimat, Doctor,' edio kere, eyogai eong etunganan kede aiyalama kere. Konye aima etunganan? Ejaikini eong akaima nejai etunganan ediopet bon: Yesu Kristo. Ngol bon nges etunganan loakukonokin eong ngareneke." Abu eong atema, "kimurwok ijo ngin aimurwokin. Iputa ngin aiputar." Mam eong acamuni ngin. Ido kwangin do abu eong...

Akaulo naka abongun ore abu eong adum ebe ajai ecetunganan lokapolon lo Amerika loabu ngesi da, iswama ngun, Teddy Roosevelt. Abu ngesi konger aswam ngun kanuka...Kiitu ngin kotoma akiro nukolosek? Ebe abu ngesi konger aanyun Ipaapa naarai ajai ti nges ainu ekegilut arai...Ajaatar kesi ngol kobokorit loti, da, ijeni ijo. Aso...Oo, mam. Mam awai nen. Aso do...

25 Konye do ejaas ngun da, kotoma...Kwana, kwape Balaam...Idumuni do oni ebe akuar nabian, kalaije... Kwana, kane nasodit, eroko oni enyouna kane, apotu kimorikikisi ekanisa kosodete adukokin, alemun aomisio kere nuka ikapirin, aputosia nuka ikapirin nuajaas okanisa. Edeke loka Jupiter, Edeke loka akolong, Edeke loka Mars, Edeke loka Venus, ka aputosia nuka idekesio kosodi ngesi alemun ikanisan ngul kere luka ikapirin; kosodi aitobwo Paul, Petero, abekot Mariam, ngul kere, kosodi atemar, "Ekaanyanaranikus lokapolon lo ne naarai abu Yesu kolimok Petero, 'ainakini ijo ilaceta,' ido erai ngesi aburokinan loka ikiyakia." Ngin nges eroko erai aisisianakin naka Atulik kiton apak na. Ido itobwoete kesi aputosia. Ido inyobo apotu kesi kiswamata? Apotu oyangautu amaio naka aputosia toma Okristayone, loenyaritai ebe Ekristayone; mere Ekristayone lokabeit, naarai ipetekootin...

26 Kwana kiitu, mam eong abala ebe...mam eong abala ebe, "Methodist, Baptist. Presbyterian," ejaas kesi kere toma. Konye aitejenunet obe, nakabeit naka Edeke arai Pentekosit; arai, erai ido ebuni duc araut! Ngina nges ageunor Ekanisa, kane cut kede Apedor naka Pentekosit.

Kwana, ibala ijo ebe, "Ngin erai abeit Onac Branham?" Abuni eong ailip ijo alemun akiro nukolosek, kosodi asesen anatar apak kere kiton ne, kosodi aanyun arai mam nginidiopet luka idwe kangul lukabeit obe apotu kosalakisi toma Arereng ngin naka Opentekosit; apotu kinerata kotoma angajepa, kijulata angajepa, ajaas kede aanyununeta ka nukaumokin, ebatisaete kokiror loka Yesu Kristo. Nginibore kere yenapotu ikiyakia kiswamata, apotu ngun da kiswamata, cut anatar ngina kere. Ngin nges apolou kotoma kangina, asiomi akiro nukolosek, abu eong alemu Paul ka Irenaeus ka-ka-ka-ka kokwap kiton nejai Martin Lokalaunan, Columba; nginidiopet kotunga ngul (aijesun kwap kiton atur na kane) ajaatar kaanyuneta ka nukaumokin.

27 Eebo. Abala ngesi ebe eswamaete kesi...ajaatar amaik kadio...biai ejok kanen? Eebo. Mam, imungumungete kesi akecekwes, mam do bobo kes epupete cut kwana, Billy. Eebo. Ipupete yesi? Epupo...? Kwana, yesi ipupete eong kwana? Kwana, biai nen? Biai ejok kanen? Eebo? Nginitunganan ebala ebe, "Eebo." Paul, erai ngin amakesit adiopet alemar kamakon. Eebo. Ikono nen.

28 Kwana, kotoma atur kana kane neabu ngesi iswamauna ibore yenapolon yenitii, kosodi ngesi aibwaikin etunganan lo kane kwape ekaanyanaran lokapolon loeyait ikanisan lu kere, aijakin kes isirigin luipu noi kaiceda, kisimunik kes, kosodi aimorikikin ekanisa ka apugan nepepe, kosodi ainakin ekanisa ayait akwap. Abu ngin itarau ngesi etunganan lokapolon. Aso ngesi ngin cut bec...Nuabu Constantine iswama nges ibore ngipengin yenikidum oni kotoma okanisa kaloce lo, ngun nuabu Edeke kolim; ebe, kotoma apaarasia nuka Eliya, ebe apotu kesi kongirikisi aberu ngin Yesebel kanu apikor Ikedwe; nabu iswamaun kotoma Aturio nuka Amuton. Ido koany kane nejai Pentekosit kwana. Ikatunga, ikatunga! Abu komutonor.

Ido kanuka nepetai ikar elukumit, abu...agear bala okar 500 kiton 1500, mere, erai 606 kiton 1530...1520, nges inaabai lukabeit, konye cut ikar elukumit. Epote kesi...areo naabukor aokot. Kosiom akiro nukolosek.

29 Kwana, elimokini ijo Etulikat ebe ekanisa loka Ikristayon, kes araas ekanisa loka Ikristayon. Eraas kesi ekanisa loka *ediini* loka Ikristayon. Konye ipentekotin lukabeit aponi kirengearai kinga, koarai, komudianarai, ido apotu luipaapa ka ikaanyanarak kaiceda korata ngul, koleleete aokot kwape abu kojaunor.

Kwana, acepaaran elosi ngin ayangaikin akaijar, itei ijo, kanu alimun ngun. Erai ngin ibore idiopet cut abeit, ajeni eong ewai loetenarit eong, kwana ajeni eong. Inyikokinitos aokot eidon. Konye ejai adolokin esawa ngol kwana, loisesenete yesi kwape ejaar koipone kalo elosioto akiro ngaren kotoma kwap mam ngin ebuni alwaniar. Mam nepecepe mam ibongori kau kanuka Ngin! Erai ngin Abeit. Kosalak cut kede Ngin. Obuko akoniokot kwa kakesi kotoma apakio kakwa.

30 Kwana, kotoma kane ianyutu yesi nueswamaunos. Kosodi kotoma kane kolomuni aisisianakin naka Yesebel toma. Arai Yesebel aberu, akapirit na...Abu Akab iswama ibore ngipengin yenabu Constantine; abu omany aberu na tetere itogogongi akekabakanut, kosodi ayangaun aima aputosia toma Isirael cut bec kwape abu Constantine iswama kangina. Ido ayapikinit Pentekosit nepetai aolior cut.

Kwana, abu Edeke itonyou Martin Lurther. Akoto eong yesi amisiikin eipone loelomara kinga kane kosodi nepetai ailicar cut aolior, kosodi agear *kane* motimot, kobuni kwap kiton *ne* bobo. Ido abu eong asub bala egirakini nen naarai erai-erai aisia naepol kanuka akuar kaNasabiiti, kitojok Ejakait.

31 Kwana-kwana, eyuunit eong ebe esubit bala ipokit oni kwana kane ijai oni toma. Kwana, cut toma *ne* nges ejai-Atur naka Amuton, nepene cut, agear 1500...anyoun 606 kiton 1520. Ngin nges Atur naka Amuton, okanisa lo cut *kane*, Atur naka Amuton. Kwana, ekanisa lo loijai oni alomar toma kwana nges ekanisa loka Luther.

Kwana, noinoi nginitunganan kokau kangina, apotu itunga ngul kotwakata kotoma...Itunga lu bala nat Irenaeus, ka Martin, ka Columba, kosodete kesi amiriaar. Ido kwana kolem ber ijo idiotunganan yenikoto aingic kau adisikiro nukolosek nuikoto ijo, arai eraas akiro nukabeit, ido naelimokiniata kesi ijo ebe "Patrick Lokalaunan arai Etulikit," mam kesi ejenete nuejaas kesi einer. Etepegit Lokalaunan Patrick ekanisa loka Atulik, ido mam elositor Rome, ido angerit kagogong akecesisianakin. Edolit ngin cut bec. Kolot ber ijo agolitomei naka England-...arai Ireland lolo, ido ibuni ijo aanyun ibore ngipengin. Lokalaunan Patrick arai etunganan loka Edeke! Konye, Lokalaunan Patrick, neabalare kotoma kangina ebe abu ngesi-ngesi iruta imunuo kere ko Ireland, arai ngin abekoi.

32 Imwaas bo ai kayesi esiomitotor kosodete apupun nuikamunitos William Tell aduikin araito naka apple kakou naka eketelepat? Ngol nges erai epolon loka Atulik, mam cut akirot ngin arai kwangin. Ajai eong ngina cut neabeitor ngun aiswamaun. Iwadikatai kuju ngina, "epolon, mere kwangin," ko Switzerland. Billy keong iboie isio kangina cut kosiep naka angolol naka Lucerne neabu ngesi kiswama ibore, abu ngesi inom etunganan; abeit ngin, konye mere araito naka apple kakou naka etelepateke. Ngol nges epolon, ariengunun ngin ka iboro, mam cut arai kwangin. Emameotor kesi adioiwadikaeta nuka ngin kangina, neabu kiswamaunor arai idiobore, ebe iswamatotor kesi ngun. Ido ebukuni ngin nges kinga ngina kosodi aitodun nuajaas. Kwana, konye kotoma kana, mam cut abeit erai akiro nukolo nuebalas ebe abu ngesi iswama ngin. Itei ijo.

33 Aso kotoma kane, kotoma atur naka ekanisa, nen nges abu nepetai komiriaria, adaun cut kotoma ajaut. Kwana kotoma atur nace na kobuni atur naka Aisiteteunio. Kwana, iboro lu kane eraas nepetai akaulo naka ikar elukumit luka airionut ka amuton ka amiriaar, kaceda koipone kangol, abu ekanisa kosub bala abu komudukanar mama ajai Irenaeus. Arai ngesi etunganan lokaumokin, etunganan loayongit Edeke. Kwape kwangin luipu da akwat nuka ngul lukalaunak luketiai luapotu koinakis aokot nuka akeceijar titai kwangin (kobwoete kotoma aiboisit kangin) kwape apedoriata kesi, itei ijo, kanuka Kristo, kanuka aibatisao kOkiror loka Yesu Kristo, kanuka einer kotoma angajepa, ajarun naka Yesu Kristo iboie kotoma ajar ka akejakut naka Edeke kanen, koreitos kes itunga luanyaraikina bon ebe Ikristayon. Edolit ngin. Edolit ngin cut becebec.

34 Oo, erai-erai ajore naka ajokin naka ogena-nuiibusakinit mam eong-ajeni-da-inyo. Anyoun koipone kangol kosodete adukun akecewat kosodete aitarau bonik, "enyaraikina alopet bon ebe anabi, akejulan naka Edeke naka Akirot, ebe emamei idiotunganan yenejeni ngin dimarai kes." Enyaraikina bon, konye erai akengalan. Itei ijo? Ianyu ijo kanen. Konye kotoma apak ngipengin; kojaatar Ngesi kekemalaika ngina, kede Abeit. Abeit duc ebongori nejai Na. Ianyu? Ebongori nejai nageunet, naarai mam Edeke ijulakin cut kama ejai Ngin.

Kwana, ido idumuni bobo oni ebe, akuar naka bian, eroko oni ejalakina na, tetere ijo ikamakini cut kotaukon. Mam bon abu iswama...kotoma aitupuset, Yesebel, ajaatar ngesi a-akokuke. Kiitunitos yesi ngun? Ido Apukokinio 13 abala ebe ekanisa lokengalan, Rome, ajaatar adwe. "Arai ngin toto naka nudotia." Bia ngin erai abeit? Ajaatar Yesebel akoku, ido inyobo abu Yesebel kiswama kede akokuke?

Koany eipone, loeratar iboro ngul kere aitupuseta ka itoribei. Keanyu Yesebel ebe adukoki akokuke Yekoram, loarai okoku loka Yekosapat ko Yudaya.

35 Atiakak Isirael kotoma apak kangin, koipone kalo. Yerusalem na *kane*, ido Yudaya na *kane*. Kwana, ajai Akab ajai *ne*, ido Yekoram ajai *ne*. Eebo, abu Yesebel koinak *ne* kipikorio, abu Isirael kere koyanga aputosia. Kosodi do... (Kere dimarai Eliya kede itukos ngin yenididi.) Eebo. Kwana, kosiep *kalo* nges ajai Yekoram ko Yuda; ido neadumuna ngesi ikoku kede Akab, abu ngesi koyanga ikoku kosodi aitudukikin kede okoku loka Yekoram... arai okoku loka Yekosapat loarai Yekoram, kosodi ayangaun aima aputosia toma Yuda, kosodi aibwaikin itemuan luka ikapiirin Yerusalem.

Ngun cut becebec kes eswama ekanisa loka Atulik! Abu isiara akeisianakin naka ediini kaceda, kosodi atubor awai Emoyo Lokalaunan kokanisa kokwap *kane* kede akokuke (Lutheran, Methodist, Baptist, Pentekosit, kaiceda). Kes ngun cut becebec nueswama ngesi. Abala Ebaibuli ebe, "Erai ngesi toto naka nudotia."

Kwana, kosenen ber ijo kotoma kaNaiwadikatai. Ianyu ijo-ianyu ijo idiobore yenitegelikina kotoma Naiwadikatai, ido ibeconokinitos akiro nukolosek da nepenen cut bec, kobu neajai eong kwape ekiliokit loiyapaara. Itei ijo? Edolit ngin. Emamei ngin!

36 Idiinin lu nges ibore yenikepoison yenijaunar oni kotoma araut iketepegak, atamit ainakin itunga apugan ekanisa, aceput bala kwape kana eboie koicolong kangol. Ekaanyanaran lokapolon kakere, ekaanyanaran lokapolon loka Penetekosit, "Eebo, kwana, ber eong aanyu, inyobo aisianakin? Oo, ibatisai ngesi kOkiror loka Yesu? Mam ngol apedori alomun toma ne. Mam, ipa, inacan. Ingerete yesi ngin." Ido engerio da ngin. "Akoto eong yesi ajenun ebe, kinye idio kayesi alosit airiamun ngin kangina. Ainger. Mamace arai ideka ijo biai, mam ilosi, mamace nuejai Edeke aswam. Arai mam ijo iseseni kwape kasio, inyobo, mam do ijo iseseni cut." Aiswamaikin aput nejai etiang! Ido ajaatar aput kaijar kanu ainer. Edolit ngin cut bec. Iomit ijo ebe mam nges epedori einer, otiro ber ijo nges mot apak adiopet. A-ha, abeit cut ilomari ijo toma ationis.

37 Kiitu, ko Tulsa, Oklahoma, ajai eong...Oo, ajai eong alomar ationis naapol noi kangina, idiinin ngul apotu kogeutu eibuk kangina. Ido eboie eong kotoma aduketait kana apaaran adiopet kasodi aanyun a-aitapoet. Abu eong kaanyu ibore...ikapa yenamojongit, ido aperi ngesi kokuju apilo naka esilik, ido arai ngesi ikesa yenebus. Kasodi eong alosit nen (ido akuriana eong ikapa ngin), kasodi eong alosit nen kasodi eong aiko nges, kosodi ngesi agear, purr, purr." Ijeni ijo eipone loiswamata kesi airurum ngin naitegelikina, ijeni ijo. Ido ajai eong aiko nges, abu eong atema, "Ikapa yenididi, yenelai." Kosodi ngesi atemar, "purr," ejok cut, ijeni ijo.

Kasodi eong angoliar nejai apiloke, abu kotema ebe, "Ikapa yeniko Pentekosit." Eebo, aomit eong ebe, "kwana, ngin mam itegelikina." Kasodi eong atemar, "Ekoto na korai aitapoete."

Kosodi icebore atemar ebe, "bon ebe ikoi ijo akejul kowai lo, ejok; konye arai ikoto ajenun esubuneke, oko akejul ekaukau," Ianyu? Aso neabu eong akoio akejul kau, apotu akonye ngul konangunos kinga, kipiriaikitos, arai ngesi etiang loaronon abwoi kanen kimuanakini eong aimul kagogogng kwape apedoria ngesi kere. Itei ijo, oko ber ijo akejul kau mot. Kolimok ber ijo nges akeibatisao kotoma, "Papa, Okoku, Emoyo" erai naka ajokit ka naka ekanisa loka Atulik, kosenen nuiswamaikinos nges. Ianyu? Ebwounete akejul kuju.

Abu eong kabu, kalimok Onac Gene ka ngul kokwap kotoma...oo, Onac Leo kakes, abu eong atema, "Abeit cut abu eong adum aitapoet naka idiinin luka Pentekosit kotoma kana."

38 Kwana esula lo 3 ageutu ber...Sarudio erai ekanisa lokatwan. Etwanit naarai apotu koarata kes kotoma apak kana. Ajar adio naedit, ianyuni oni kotoma adakikan adis nuarai ngol, motimot. Anyoun 1520 kiton 1750 nges arai Atur naka Sarudio. Ido aacerit, arai emalaika loka...Aacerit najai akanike, loarai emalaika arai ekiyakia loka atur naka ekanisa. Ngin emisiikinitai ejok? Ebe aacerit nges arai emalaika, ido emalaika nges ekiyakia nejai atur. Eebo. Ejok.

39 Kwana kingetak oni kede Ariamun naka Nicea. Abu ngin kotwana kokau kangina, kosodete kere abunore toma apedor ka aibuses, ekanisa ka akwap imorikikina. Ido idiotunganan tope epedori aaitun nuabala akirot akuar natubor, nuaomitos luipu kotunga kangul? "Ajai apugan naka ikar elukumit elosi ngaren." Kakere... "Ayangaun Apugan naka Ikar Elukumit toma komamei abongun naka Yesu Kristo." Ianyu? Akiro nuka abunore naka Ejakait Yesu kotoma Apugan naka Ikar Elukumit, ibore yenisodit. Ido kotoma apaarasia kangun ajaatar kesi...Arai kilem ijo akiro nuswamas nukolosek, ianyuni ijo ebe apotu konyoutu aikeun kamakec luiYesu lukaingal ka nginibore kere, itei ijo. Ido aomitos da ebe ipaapa nges arai Yesu, anyara nges ebe *vicar*, "abois naka Okoku loka Edeke." Eebo, edeke loti lokalaunan, bala, iboie kanen.

40 Kinyek eong kalimok ijo icebore. Ebalala Ebaibuli ebe kebongu Yesu...eroko nges ebonguna, "Apote anyoun inabin lukengalak, ido apote anyoun luka Yesu lukengalak." Edolit ngin. "Koany, kane..." Konye

kinyek ber eong acakak na toma otaukon: ememeun Yesu loebuni aicakakin akekeju toma akwap na kiton ekanisa adaun aurupoorio ka alosit. Kwana, kiitunite ngin kotoma aijenekon, naarai enyounete lukriston lukaingal. Konye mam Yesu ebuni ajaun ne toma akwap; naarai eruikini arupepe, ido mam Nges ebuni, iriamun oni kaNges toma apak. Adau sek Ekanisa aekar. Kosodi do naketakanunia Yesu, ebuni araut abongun. Elosete Imo airiamun kaNges kotoma odouon. Biai ngin erai Naiwadikatai? Ianyu? Elosete kesi airiamun kaNges toma odouon, kasodete alosit kuju. Ido erai Yesu...mam cut icakakini akekeje toma kwap kiton adaun aurupoor Ekanisa kosodete ayangar Ore ka Epucit loka Edukone kalaije kotoma Akuj; kosodi do Ngesi abongun kanuka aatongot naka Iyudayan.

41 Aso kwana abu do odaun, Airiamun nako Nicea, ajauna ekanisa-ajauna ekanisa kwap naka apugan naka luka ipaapa adaun nepetai ikar elukumit. Apotu koarata ngul kere lumam acamanara kede kes. Edolit ngin. Erai ijo arai abunore kwap naka ngin arai mam aario ijo kwape abu Yesebel kiswamaikina Isirael.

Adaunit Emoyo Lokalaunan da anyoun dimarai idis bon kotoma atur kana, kwape Eliya ka idis luka Isirael lumam apotu kokukokina nejai Balaam. Arai ikoto ijo aisiom ngin kokwap kane, erai nen Ikabakan lusodit, esula lo 19, ka ekokoro lo 18, Neabwoio Eliya kokau kangina kabua kosodi atemar, "Ejakait aarata ikoninabin kere. Eswamata nginibore kere, ido asal eong bon. Ido eong bon akuit." Konye abu Edeke kolimok nges ebe ajaatar ice akwat lumam akukokina Baal, kotoma luemamei adoketait kokanisa kokinga kanen.

42 Kwangin do, Sarudio, kwana igeuni oni, Akirot alopét ebe *Sarudio*, ekokoro lo 1. Akirot ebe *Sarudio*, kotoma Amusugun, akepolou, arai ikoto ijo aingic ngin, akepolou "yenabu koku." Sarudio nakabeit arai "Yenabu koku." Ngin nges apolou naka *Sarudio*, eebo, "Yenabu koku." Kwana, itei ijo, ka "Yenabu koku."

Kwana ilosi oni ageun kotoma osula lo 1. Ilosi oni anyara ngin ebe atur naka Aisikwarunio ido erai ibore yenibecokina kanuka aisiteteunio kana arai ibusakinit oni anyara ngin kwangin, naarai erai... Aisiteteunio kerai "luapotu kokuata" luapotu kolomutu awai kosodete aiku alomun kinga naka kangin.

43 Kwana alemutu ber oni ekokoro lo 1:

...ido kiwadikak emalaika loka ekanisa lokotoma Sarudio ebe; inera kwanata ngol loejaas kede Imoyon ikanykaarei luka Edeke, ka aacer akanykaarei ebe; Ajeni akoniswamisio; ebe ejai ijo ekiror ebe ijari konye irai lokatwan.

Kwana amalan. Imoyon ikanykaarei kes... "Imoyon ikanykaarei ka aacer akanykaarei." Imoyon kes imalaikan lualosete nejaas aacer lueraas ikiyakia. "Imoyon ikanykaarei," apakio akanykaarei nuegelegela enyonyoikini Emoyo Lokalaunan ekiyakia, loarai aacerit kotoma apakike. Emoyo mam edaun, ido eswamatai aacerit ngin kanuka alosikinet kanuka acaikin Aica kotoma amuton naka aturio kanu nuka ekanisa neebwoikinitotor atalai ka aacer. Emalaika, Emoyo, nges alosi nejai ekiyakia kosodi acaikin Aica naka Emoyo Lokalaunan kotoma aacerit na nejai atur na naka ekanisa. Tetere, ijo ijenuni...mam eong ajeni arai lukangai ikiyakia ikanykaarei luka aturio akanykaarei nuka ekanisa. Ianyu? Kwana, ido nginipak naabunio aacerit toma aiboisit, adokuni Emoyo Lokalaun kwap kosodi ainyonyoikin aacerit ngin kosodi airic ngin cut becebec kwape kalosodit.

44 Kwana, kinyek eong-kinyek eong ketogogongoik ijo. Abala Paul ebe, arai ikoto ijo ajenun eipone loka aacerit loarai ngol. Naarai, kiitu, erai Satan da, aacerit, aacerit nakatupuruc. Kwana koany, abala Paul ebe...Ijo iyuunit ijo ebe arai ngesi aacerit naka ekanisa loka Epeso? Abala ngesi ebe, kwana, arai ikoto ijo ajenun arai erai abeit arai mam. Kotoma Igalatian 1:8, abala Paul ebe, inera kanen, ebe akaulo ebuni apak adolun, ido epote ipeen luededeng kaiceda, abala ngesi, "Arai kebu emalaika kwap kotoma akuj kosodi aisisianakin Eijiri ece..." (Kwana ajeni ngesi etunganan lo loabunit kosubite bala emalaika ido Vicar loti.) Abala ngesi, "Mamace loerai ngol, arai kebu ediomalaika arai kebu idiotunganan kosodi aisisianakain idiobore yenitegelikina adepar Eijiri lo loisisianak isio yes, ikenoi nges." biai ngin edolit?

45 Paul nges abu kibura ngul aibatisao arai mam kes ebatisatai kOkiror loka Yesu Kristo, "Apotu kibatisaunos bobo tetere edumunete Emoyo Lokalaunan," Aswamisio 19:5. Ngesi bobo nges abu kidokonok akanin nejaas itunga, ka ainakineta, kosodi asipokin ekanisa ainapeta kede aswamisio nukaumokin, aitangal naka Edeke, ainakineta nuka angajepa, aijulio naka angajepa. Biai ngin edolit? Ikorinton lusodit, koany nuabala Paul. Ikorinton lusodit 12, ido idumuni ijo ngin. Abu nges osipok toma okanisa...Abu Edeke ibwaik toma okanisa ainakineta nu nukapolok; kosodi Paul aibwaikin ngun toma ainapeta tetere iswamaete kanuka aibuses naka Edeke. Abala Paul kwangin. Kosodi do arai kebu idiotunganan, mamace ediini loejai ngesi toma, loetamit alimokin ijo ebe atuboros apaarasia nuka einer kotoma angejapa, aijulio naka angajepa, aitangal naka Edeke, ka nukaumokin, ka ajenanut naka Emoyo Lokalaunan kwape aibatisao...ikenoi ngol. Naarai Emoyo ngopengol loajai neajai Paul nges aponi kijukunai nejai atur naka ekanisa loatupakini, ngopengol nejai atur natupakini, ngopengol cut kwap kiton angeset naka aturio nuka ekanisa. Emoyo ngopengol, Emoyo Lokalaunan. Ijo iyuunit ngun?

46 Arai kimisiik ijo nu, iwadikatai ngin ne. Ajeni ekewadikan. Koany, "Imoyon ikanykaarei." Osesen: "I" napolon, Emoyo Lokalaunan, ediopetebon. A-ha. Emoyo Lokalaunan ngopengol ebuni irwan akanykaarei

nejaas aturio akanykaarei nuka ekanisa kojaatar kaAica ngipengin. Komisiik ngin kwana? Aturio akanykaarei nuka ekanisa, irwana akanykaarei edakit Emoyo Lokalaunan Aisiraret na! Naponi kolimoroi ekenit nejai idiotunganan yenijulakini Ngin.

Kwana koany arai ecamanara ngin kede apukokinio naka ibore kangin kere. Abala ngesi ebe, "Idiotunganan yenelemari arai aiyatakin, elemario kwape kwangin (atutubeteke) kotoma Oitabo loka Aijar." Ngin nges ibore kere yenerapitai kanen do. Aso emamei do ijo apak kanu ijo asomun arai aridakin kadioboisit kere naarai nges Ngin. Ngun kes abala Edeke, ngun kes nuabala Emoyo Lokalaunan, ido ngun kes abala Ekanisa. Kwana, arai kitam ijo abuihin ediopone loka aisisianakin itia ngin naabu Paul kisisianak, ibucara! Edolit Ebaibuli. Akeijar...Abala Yesu ebe, "Alemari Eong atutubeteke kOitabo loka Aijar."

Kwana, ibala ijo ebe, "Atutubet bodo ani naka Eitabo loka Aijar?"

47 Ejaas itunga luipu luejaatar ikecekiroria koitaabo loka Aijar lu abeit cut elosi akurwokin. Ijenete yesi ngun. Mam? Kiiutu aisisianakin ngin akuar kaya? Yesi apotu komisiikisi ngin? Ipedori oni aitor toma ngin; mam eruo ejok ber; mam epupuna ejok, itei ijo.

Yuda Isikariot arai okoku loka Satan, arai ngesi ajokit itodiara kotoma akuan. Abala Ebaibuli ebe arai ngesi. Abala Ebaibuli ebe, "Aurитай ngesi erai okoku loka amudiaro."

Kosenen ber ijo nu ipak edit. Kwana, kotoma *kana* ajai Yesu; kojai ekokolan *ne* kosiepiKe; ajai ekokolan akaniKe nakoteten; kojai ediopet akan nakokediany. Kwana, neabu... Arai Yesu Okoku loka Edeke. Biai ngin erai abeit? Kwana, icetunga esesenete imusalaban iuni bon? Konye ajaas iwongon. Imusalaban iwongon! Kwana, inyobo emusalaba? Erai ekitoi. Ngin erai abeit? Ido aponi nges kitarau nai ekenit kanuwok, abu Ngesi ikajakin okitoi." Aponi kotubunitete, konye arai ekitoi. Biai ngin erai abeit? Eebo. Kokwap *kane*, kokwap naka erongat, abwoio bobo ece. Abu Yuda ikajakin bon kokitoi loka esukamit. Biai ngin edolit?

Koany! Okoku loke Edeke lo *kane*; abunit kotoma Akuj, ajai abongor toma Akuj, aupar nepepe kede ikadiakanaran yenitoronokina. OKoku loka amudiar lo *kane*; abunit kokatwak, ayangaar nepepe kanges (Arai irai ijo!) ikadiakanaran yenimam itoronkina. Itei ijo, ikadiakanaran yenimam itoronkina, "Arai irai ijo Okoku loka Edeke, kitajaraun Elopel ka sio da."

Abu ediopet lo kotema ebe, "Kijai oni..." (Alimonokin, ekalimonokinan ngol loka akiro nukajokak) "Ilosikina oni nuijai oni adumun, konye etunganan lo mam iswamat idiobore. Ejakait, kiitu Jo eong naibunio Ijo toma AjakanutuKon." Arai bo ingai ngol?

48 Kerai...?...Motimot akuar kaya ka akuar naka okau. Abel loka Edeke lo *kane*; Kain da loka ajokit lo *kane*. kwape abu Kain koaria Abel kotem, abu Yuda koar Yesu kotem. Abeit ngin. Epuruni apuru kokau kalaije ko Eden kobwouni cut kanepokane bobo. Nges cut ngin becebec.

Oo, ibus Ngin, erot ngol lomojong, erot loisirerengitai lomojong ileleba aibuses.

Kwana idumuni oni kane (Kitimoi eong.) ebe ekanisa lo loka Sarudio, nejai emalaika, abu Ngesi kotema ebe, Imoyon ikanykaarei; Ngol loejaatar Imoyon ikanykaarei."

...kiwadikak emalaika loka ekanisa lokotoma Sarudio ebe; inera kwanata Ngol loejaas Imoyon ikanykaarei luka Edeke ebe:

49 Doodo kwana imwaasi bo ai ejenete ebe erai Edeke Emoyo ediopet? Abeit cut. Edeke, Emoyo Lokalaunan. Edeke, Papa, Emoyo Lokalaunan, kere eraas Etunganan ngopengol, naarai abu Mariam koputu kanuka Emoyo Lokaluanan. Kwana, e...konye abu Edeke kitwasam Emoyo Lokalaun irwan akanykaare nuka Aica naegelegela naka alimonokin nejai Ekanisa, aturio akanykaarei nuka ekanisa. Imisiikis yesi? Aturio akanykaarei nuka ekanisa.

Kwana, ibala ijo ebe, "Mam Edeke iswamai ngun." Oo, eebo, onac.

Koany! Abu Ngesi kitwasam Emoyo loka Eliya, ido neanyounia Elisa...Neanyounia Eliya, abu Elisa kodum irwanaarei naka Ngol. Ido neadekakinor Elisa kosodi atwanare, abu do kobong bobo nejai Yokana Lokebatsan. Abu icebore koinak ngesi cut aswam iboro kwape abu Eliya kiswamator kojari kamodingot kaceda. Biai ngin naabeit? Kosodi aidwar abongun bobo kotoma apaarasia nukawasia, itei ijo. Itwasamam Edeke Emoyo ageun apakio kere.

50 Ido enyonyoikinit Yesu Emoyo Lokaluan, abu kolot aswam nukajokak. Biai ngin erai naabeit? Ido Emoyo ngopengol nges ajai nejai Yesu, nges luabu kobong cut nejai Ekanisa kotoma Apaaran naka Pentekosit, kobuni cut kiton atur natupakini, natupakini. Ido inyobo Ngin? Ngopengol ido Emoyo ngopengol ediopet. Oo, ijo mam iany? Edeke kokujuwok, kotoma Papa; Edeke ejaas kaoni; Edeke kotoma Okoku; Edeke kotomawok, kotoma Emoyo Lokalaunan. Erai iyapesin iuni, mere idekesio iuni. Ianyu? Ido imaeta ngul iuni (Papa, Okoku, ka Emoyo Lokalaunan) eraas luka Ekiror: Yesu Kristo. Edolit.

51 Kwana, kosesen kwana kwape kilosio ngaren. Imoyon ikanyaarei," ebalala ebe Ngol loitingit...Kotoma akiro ace, "itingit ikiyakiaKe." Ikiyakia lueponio ainyonyoikin kede Emoyo Lokalaunan, kede Emoyo ngopengol lokinyonyoikinitere Paul (Iosodit), lokiareit, lokiuniet, lokiwonginet, loikanyet, loikanyetekape, ka loikanyetekaarei, kesi kere ejaas akaniKe nakoteten. Oo, edumununete akecepedor ka Aica kakanike nakoteten.

Kwana, abu Ngesi kodoka toma Akuj. Kosodi Pilip atemar ebe, neajaar ngesi atwanare...Araibo Stepan abala ebe, aanyu eong akuj engaara, ka...ka Yesu iboie kakan nakoteten naka Edeke." Mam ngin erai akepolou ebe ejaatar Edeke akan nakoteten naati ido iboie do Ngol kotomake, konye akan nakoteten akepolou ebe akan nakoteten naka "agogong ka apedor."

52 Akuan ngin nabu Edeke kosub... "Mam eong acamakini LokalaunaniKa aanyun aibos, karaida ajalakin Akeijar kokatwak, konye abu kitajar Nges kosodi aisiboikin Nges aiboisit naka Emoyo kotem." Kosesen! Nakeanyuniata kesi Nges-Nges iboie kotem, ido kojaatar kEitabo kakaniKe, ido kemamei etunganan kotoma akwap arai kwap naka akwap, arai adioboisit, apedori arai ebusakinit karaida asesen Eitabo; ido kosubite Imerekek bala emusungitai ameun kapetetai naka akwap, kokau cut kageunet neageunia Ngesi aomoom nuka Akekuan naelakunitai, abu kobu kosodi alemun ngol kakan nakoteten naka Ngol lokiboie Koicolong, kosodi aiboikin kwap, Ngesi elopet. Amen. Ikoni nen. Ngin nges Naiwadikatai. Ibus ngin, itei ijo.

53 Kwana, "Ngin yenipikori kiboikin Keong OicolongoKa, kwape abu Eong kepikoria keboikin akan nakoteten naka Eicolong loka PapaKa." Kacekiro, "Abu Eong anapak toma akuanaKa Emoyo Lokalaunan. Epiko Eong iboro kere luka akwap (kotoma atemio) kede Emoyo Lokalaunan kasodi aikamar! (Ido kotomaKe nges iboio aileleba naka Edekeone kotoma akuan.)" "Apedor kere kotoma Akuj ido kotoma akwap ainakin akaniniKa," abala Ngesi. Apedor kere! Akepolou emamei do Edeke apedor arai erai Ngesi etunganan ece. Naarai abala Ebaibuli ebe, abala Yesu ebe, akaulo naka akejarun, ebe "Apedor kere kotoma Akuj ido kotoma akwap, kere aarei, aianakin akaniKa."

Kosodi Yesu abunore kotoma Akuj kede ilukumin irwan ilukumin luka LukalaunakaKe, ido ebalala Ebaibuli ebe, "Aorori Akuj kanuka apak naka atutubet naka esawa." Aibodo ejai ekesa lo lokapolon, Edeke, do? Aha. Ianyu? Ejai Ngesi toma Kristo.

54 Abeit cut! Ido kwape kipikoria oni kanuka Emoyo Lokalaunan kwape abu Nges, ibuni oni aiboikin kede Nges kwape ikamaria Ngesi eicolong loka akwap loka Daudi, kanu aibokin ka apugan kede Nges kwape abu Ngesi kiswama kokuju Kangina, (Amen!) kede agogong ka apedor kotoma akwap kere. "Ido ejaas kesi...idinya akwap ido kidaritos kanuka atakanun naka odwe luka Edeke luebeit atakanun, okoku loka Edeke."

Naarai, ber da, mam akwap ainakinaitai kanuka Edeke ayait. Ekoto oni aijen ebe nakabeit ngin. Ingaibo erai edeke loka akwap? Etunganan! Ngol nges eyait. Kere, nginibore kere kotoma akwap erimarit etunganan. Kotoma adiakar abu ngesi kibiror; kotoma apedori naka alakun naka Kristo kobonguni ngesi. Abeit ngin, naarai akwap erai naebeit etunganan, aponi koinakinai nges ido arai ngesi loayait nginibore kere. Ido idinyasi isuban kere, kidaritos apak ngin naetakanuniata bobo odwe luka Edeke. Oo, eong; oo, ikatunga! Aitodiar naka odwe luka Edeke. Kwana, ekoto oni ajalakin ngin kwape kwana.

55 Konye, ikiyakia ngul ejaas akaniKe nakoteten, idaritos. Kere neijukari Ngesi kes,, epote kesi einer ibore idiopet. Naarai Emoyo loajai toma Kristo...Oo! Emoyo loajai toma Kristo! Neanyounio Ngesi, abu kotema ebe, "Ipak edit mam akwapin..." (Kosmos, akirot naka Ayonanin naerai akepolou ebe 'ainapeta nuka akwapin'; mere akwap, akwapin, ainapeta nuka akwapin) "...mam eanyunete bobo Eong..." (Idiin, arai luce kere) "...mam eanyunete Eong bobo. Konye yesi ianyunete Eong..." (Ekanisa, ikeyuunan) "...naarai Eong..." (Eong alimunet naka etunganan ediopet nges edolit) "...ajaun Eong kayesi, tomakus da, kiton osangeta luka akwap." Yesu Kristo ngopengol bian, lolo, ka ikar kere." Yesi isesenete Ngin?

56 Dobodo arai kerai Emoyo Lokalaunan loka Kristo nges abu kobu kotoma Apaaran naka Pentekosit loabu kiswama iboro ngul, erai Emoyo Lokalaunan loka Yesu Kristo nges eremunitai *kane*, Emoyo Lokalaunan loka Kristo nges eroko esalakinit *kane*, kiton kwap *kane* kiton osange loka akwap. Emoyo Lokalaunan ngopengol loabu ileleb Paul kede Emoyo Lokalaunan ka iboro luabu ngesi kiswama, nges illelebi *lo* (Irenaeus) ilelebas kede Emoyo Lokalaunan, aileleb Martin ilelebas kede Emoyo Lokalaunan, ido eraas arerengusio nuka Pentekosit anyoun kanejai atur adiopet naka ekanisa kiton nejai nace; Alupa ka Omega, Esange ka Ageunet, ka Kere, alias ka aur naka Daudi, Acerit Nakatupuruc, Aturot naka Sharon, Apecilat naka Aditot, kaceda, Papa, Okoku, Emoyo Lokalaunan, Ngol loajai, loejai, ka loebunit, Alupa, Omega, Kere, Kere kotoma Kakere! Oo, Ikatunga! Epedori ngin aidupor eong awoikin ekosio:

Oo, ibalas yesi ebe ingai Eong, (abala Yesu) aibo ibalas yesi abunitor Eong,

Yesi ijenete PapaKa, arai ipedorete yesi alimun Ekekiror.

Abala Ngesi ebe: arai Eong Alupa ka Omega, ageunet kotoma awasia,

AJAI esube kere, ido Yesu nges Ekiror.

AJAI loabu kinerata ka Musa kotoma okiot loka akim loanokie,

AJAI Edeke loka Aburaam, Aacerit Naecai nakatupuruc. (Abeit ngin.)

AJAI Aturot naka Saron, ido ibalas yesi ebe aibo abunitor Eong?

AJAI esube kere, konye Yesu nges Ekiror

57 Ekal kere kotoma Akuj ka akwap imorikikina toma kangol (akwap kere, kisirerengitai, ilelebas ka Emoyo Lokalaunan, kosomunos kwap, enyarit Emoyo Lokalaunan, inerit Emoyo Lokalaunan nukec, euritai kede Emoyo Lokalaunan) Ekiror. Abeit ngin. Abu Edeke koinak Ngol nejai ekal kere kotoma Akuj ka akwap. Ido nginibore kere yenejai tomake, nginikung, ekukokin nejai Ekiror ngol. "Ido emamaei bobo ecekiror einakinitai kokwap naka Akuj loitajarere itunga." Mam *kacepak, ipuda kojaun*, dimarai *ibusakinit* kitajarai. Oo, amina eong Ngol. Ejok noi. Eebo.

58 "Kotoma akaniKe nakoteten." Kwana ijo ianyu? Erai Ekanisa loka Pentekosit; apedor, aanyuneta, nukaumokin iswamao anatar apak kere. Kwana ijai oni...Apotu oni etoroto toma Aturio nuka Amuton neaponi nepetai kolemarere kinga. Kwana alemutu ber oni ekokoro lokiareit. Oo, eyuunit eong ebe ibuni ainyikokin motimot kede losodit lo ber:

...Ajeni akoniswamisia, ebe ijaatar ijo ekiror ebe ijari, ido itwanit.

Kopoko ber ijo atur naetupakini, idumuni ijo, "Konye mam ibu konger Ekakiror." Ekanisa loetupakini, "Mam ibu konger Ekakiror." Konye kotoma okanisa *kalo*, "Ejai ijo ekiror." Kosesen kane! Aricit ekanisa *lo* Ekekiror; aricit ekanisa *lo* Ekekiror; aricit ekanisa *lo* Ekekiror; ido abu ekanisa *lo* kitor toma Atur naka Amuton emamei ibore yenalimunitai yenekamunit ngol; neapotu kesi koponiata nejai Aijar kosiep *kalo*, yenisodit yenididi yenabu koku, neabu Luther kiriunia kes kinga, "Ijaatar ijo ekiror ebe ijari, konye itwanit." Kwana, ekiror bo ali etwasamaete kesi akaulo na kes apalar aitwasam Ekiror Yesu? Papa, Okoku, Emoyo Lokalaunan. Ido emamei ibore kwa kangin. Etwanit- aisisianakin naka ediini naetwanit.

59 Kolimokinai eong, Papa erai ekiror? Imwaas boa ai luka papa luejaas ne? Ikeutu akusikanin. Ingaibo kotoma kayesi erai ekekiror Papa? Odwe? Ido itunga, ngun-ngun kes nuerai ngin. Mam erai...Mam ekekiror erai Emoyo Lokalaunan, ngol nges loerai Ngol; erai Emoyo Lokalaunan. Ekiror...Mam Emoyo Lokalaunan erai ekiror, erai Emoyo Lokalaunan emaetai; Papa, Okoku, ka Emoyo Lokalaunan.

Aso itei ijo nen, erai naemamei esange kwape araut okoku Lomam Edaun. Emamei ibore ngin ebe araut okoku Lomam edaun. Eurunio okoku kama; Lomam Edaun mam eurunio.

60 Emamei ibore ngin ebe, kwape alimunitor eong akuar ya, ebe okatwak Lomam Edaun. Eipone ali idumuna ijo okatwak Lomam Edaun? Ajai duc okatwak, apakio ngun. Abala Ebaibuli ebe, "Aponi kosubitete kanuka ajokit ka ikemalaikan." Ti okatwak ejaun duc; arai ebeit duc kojai, akoto ti kojauna kageunet. Ido inyo...Ingaibo etwasamai ngol kokau kangina apak-apak naraar Ngesi *El, Elah, Elohim*, "Loejai kanuke bon," neamameor idiobore? Akoto do ti okatwak kojauna kede Nges. Ianyu? "Asubio okatwak kanuka ajokit ka ikemalaikan. Ka ikaronok kere eponio acakakin tomake." Edolit ngin cut bec. Eponio kes aitisilaar kanu aticepak ikar imilionin akwatat kanuka ngun nueswamata kesi. Konye edoluni apak ejaun kes atwakare atwanare nakiareit. Emameun ibore yenideikin kes. Nginibore yenejaatar kageunet ejaatar kesange. Aso nakidumunia oni Aijar Namam Edaun, idumuni oni atutubet naka aica naka aijar naajai kokau kangina eroko ejauna idiobore yenididi noi. A-ha. Aica ngin naka Edeke ebuni otauonowok itacauni oni kaanyunete oni Yesu. Abala Ebaibuli ebe, "Mam oni kiseseni iboro kere, konye kiseseni oni Yesu."

61 Kwana, abala Ngesi ebe, "Ajenu eong ebe...Eong ngol lojaatar Imoyon ikanykaarei loejukari nejaas ikanisan ikanykaarei. Ajenu Eong aswamisiokon kere ido nuikamunitos ngun kere, konye ijaatar ijo ekiror ebe ijari konye itwanit." Kwana, kiitu ebe; arai bo na atur nakangai? Martin Luther, Atur naka Lutheran. Kwana, aponi kes kitoronai kageunet. Mam do ber kes apotu kogeutu da, atwakitos kesi kageunet ber sek. Mam akoto kes atwakare, atwakitos kesi sek ber da. Itei ijo, apotu kesi "kipacaros kinga."

Kwana koany na. Kwana asiomata ber oni ekokoro loetupakini:

Ongolia! Kokweny, kitogogong da nuesalitos nuekotosi atwakare, naarai mam abu kadum akoniswamisia nuedolito kakonyen nuka Edekeka.

62 Kwana, inera do ngesi neejai Luther kwana. Oni kere icamunit ngin ebe arai na-na atur naka Luther, arai ngin aisiteteunio. Kwana inyobo abu Ngesi kolim? "Ibu ijo kitolom ekiror lokaingal ebe 'ijari,' konye itwanit." Inyobo apotu kesi kiswamata? Apotu kesi kibwaikisi ngol ainyakar nejai ediini bobo. Ido, 'mam amot epedori anyara ebinika ebe iriono.'" Mam irami ebe, "Atulik!" Itei ijo naarai ibongosi bobo yesi da tomake, aitwasam aiyuunetake ka ikiroria. Ido, eebo, abu Luther koyangau nuipu kotoma atikasimun ka nginibore kere yenejaatar ekanisa loka Atulik, kosodete aikamar ekiror kesi ikulepek. Itei ijo, "Ejai ijo ekiror ebe ijari,' luapote kotoma okar kalu luetwakitos elukumit kane, ido eroko ijo itingit ekiror ngol." Ijaatar ijo kekiror," kiitu?

Kanu amisiikin ejok ebe edolit ngin, ikanisan luce kwi, abala ebe, "Iricit ijo Ekakiror." "Iricit ijo Ekakiror." Kotoma atur *kana* apotu kesi "kitoliosi Ngol." Kosodi abunore *kane* kosodi atemar, "Ejai ijo ecekiror ebe 'ijari,' konye itwanit."

Oo, yesi luka Methodist, Baptist, Presbyterian, Lutheran, ka Pentekosit, kitoronikinos kibatisaunos kOkiror loka Yesu Kristo kanuka aisionio naka adiaakanaretakus. Ianyu? Konyoutu kotoma aiyuuneta kangun numojong nuetwakitos ka iboro luebeitos ekanisa loka Atulik loelosio amudiar ka adweke kere kede nges.

63 Emamei itunganan yenedepori alimun ebe Papa, Okoku, ka Emoyo Lokalaunan," epone iboro luka...Ido ibore ngin, ido enyaraete kesi "Tirinita Lokalaunan," Tirinita? Akoto eong itunganan alemun ber akirot ebe tirinita kotoma Obaibuli, kosodi abunore alimokin eong nuikamunitos ngin, komou akirot ebe tirinita. Emamei ber da. Emamei ibore kwape kangin.

Kwana, kwana:

...ido *nuekotosi atwakere*:...

"Kosalak toma ngin naibu kijau, abu Luther kokop yesi kinga. Kitingata ngun, naarai ekotosi atwakare. Ibuni ijo...Agwetakisi bobo kesi yesi nejai ngin. Kosalakisi nejai ngin, ekotosi atwakare."

64 Kwana:

...ido *mam eong abu kadum akoniswamaisio nuedolito kakonyen nuka Edekeka*.

Biai ngin mam ibus? Oo, ikatunga! Amina eong ngin. "Mam edolito." Inyobo? Etojokitai kes aitojok, abu Luther kolimonok aitojokio; ebusakinit ijo aitalaunio kosodi do ailelebun kede Emoyo Lokaluanan. Kosodi do mam bobo kes eraunos kesi ikulepek, etekooro kesi kanuka Emoyo Lokalaunan kotomakec. Mam erai-mam erai Ikristayot nges itekooro, erai Emoyo Loakalunan loitekoro kotomake. Ianyu? Ngun kes...Kwape alimunitor eong, "Mam erai emoru lokalaunan, erai Edeke Lokalaunan komoru. Mere ekanisa lokalaunan, mere itunga lukalaunak, konye erai Emoyo Lokalaunan kotoma Okanisa ido kotoma otunga." Ngol nges ewai *Lokalaunan*, itei ijo.

65 "Ido mam abu kadum akoniswamaisio edolito. Mam ijo idolokinit toma aitekooro." Naarai kidum oni kwana ebe ajaatar kesi kaitojokio cut *kane*, aitojokio. Ido arai na...Mam, kitimoi. Ejai aitojokio cut *kane* kokwap naka Luther; ido ejai aitalaunio *kane*; ido ejai *kane* Emoyo Lokalaunan. Itei ijo? Kwana, iboro lu iuni lueswamete kotoma aturio kangun auni nuka ekanisan, ngul kes eyangaikini kanu aitolomun aurio naileleba. Aponi bon kes kopotuunai kwape ikurut yenididi kotoma akoik naka toto. Edolit ngin, Emoyo Lokalaunan ebuni toma aurio.

66 Akoto eong aingit yesi icebore. Naetakanunia aurio naka akuan, inyobo ibore yenisodit aismamaun? Akipi. Ibore yenetupakini? Aokot. Biai ngin erai nakabeit? Ibore yenetupakini? Emoyo. Erai ngin nakabeit.

Inyobo abu kolom kotoma akuan naka Yesu neatwania Ngesi? Aponi kicumai esiepiKe, kosodete akipi ka Aokot alomun, "Ebwaikini Eong Ekamoyo akaniniKon." Akipi, Aokot, Emoyo.

"Aso naarai kitojokitai araun luidolito kanuka aiyuun," Iromayon 5:1, "kija kainapakin mama ejai Edeke kanuka Ejakaitiwok Yesu Kristo," aitojokio. Aitalaunio, Iburanian 13:12 kede 13, "Abu Yesu korieba kokinga naka irutei tetere italaunio itunga kAokotoKe Kelopet." Luka 24:49, "Konye kiboikinos ber Ore aitodol naitanapere yesi apedor naebuni kokuju." Akaulo kedoik yesi Emoyo Lokalaunan, iraunos *konyet do* yesi ikajenakaKa ko Yerusalem, Yudaya, Samaria..."

Mere nairaunor jo ekaanyanaran, mere nairaunor jo edikon, mere nairaunor jo ekecokon, mere nairaunor jo ipaapa, "Konye kidoik Emoyo Lokalaunan, iraun do ijo ekajenan." Ipedori bon ijo araun ekajenan loka ekanisakon ka loka aiyuunet, kwape a...arai irai jo edikon, arai irai ijo ekecokon, arai irai ijo ipaapa, arai irai ijo...Irai ijo ekajenan loka aiyuunet! Konye kidoik ijo Emoyo Lokalaunan, iraun do ijo ekajenaniKe! Ido aswamaisio nueswamat Ngesi, iswamai ijo da, naarai ejai Akeijar kotomakon. Oo, oo! Ikatunga! Koipone kangol. Eebo, ipa. Oo, adumuni eong Ngin naepol kokuju...naka ngin kokuju kane, eyuunit eong, adepar eipone loidumuna ijo kokinga kangina. Apupi eong ejok kede Ngin.

67 Iboro luekotos atwakare, kitogogong ngul." Kwana ebala Ngesi kane, "Kwana kotoma okokoro lo 3:

Aso kiitu kwape kijaunia, kwape kipupunio da,...(Aminakit eong ngin.)...koric, kitoronokin da. Aso arai mam ikwenyi, abuni Eong kwape ekokolan, kwabo mam ijenuni esawa loabunio mamakon.

"Koric aitojokiokon, kasalak toma ngin." Mam icamakini itunga ngul akopor ngin ainyakar kamakon. "Ngun da nu ibu kodum, kiira da." Esiomete kesi Ebaibuli lopelo loisiomi oni, itei ijo. Konye mam kesi eyangarete Ngol kere, naarai mam apukokinitai kes. Mam arai kanuka aturikec. Ngin nges apolou naeponiata kesi atakanun kotoma ajarun. Apotu kesi kolototo kotoma Aica nabeit kes alosit kotoma, kwangin do etakanunete kesi.

68 Kwana, apupunit eong itunga luipu luka Pentekosit luelimonokinete aibatisao, ebalas, "Ngul luka Lutheran, kaiceda, mam etakanunete." Oo, Eebo. Ijenete yesi akiro nuikamunitos Dr. Hegre kokuju kangina. Neabu eong alimokina nges...Abu ngesi kotema ebe, "Lukangai bo isio?" Abu eong atema...Ijeni ijo, apotu kesi kodukoto esomero ngol loka akiro nuka ediini loka Lutheran, Bethany, ko Minneapolis. Kosodi ngesi atemar ebe, "Eebo, inyobo do kijaatar isio luka Lutheran?"

Abu eong atema, "Eebo, alimokini eong ijo. Eyuunit eong ebe ijaatar yesi Kristo."

Kosodi ngesi atemar, "Eebo, ikoto isio-ikoto isio Emoyo Lokalaunan." Abu ngesi kotema ebe, "Ijo iwomit ebe ijaatar isio?"

Abu eong atema ebe "Epedori." Abu eong atema ebe, "Iyuunitos yesi kanu adumun ngol."

Abu ngesi kotema ebe, "Eebo, inyobodo ipeleikinit ijo?"

69 Kwana, ejaatar kesi ilukumin luka amisirin ngina nuelosete akecesiomak...Arai mam-mam ngul epedorete aitac akecesioman, einakinete kesi ngul aiswamaun keceipone kosodete akor emudunga. Abu eong atema ebe, "Eebo..."Ejaas imeesan lutieik. Apotu kesi kainakisi eong adiopet kotoma onyamat kalu luagelegela lukatibong kokwap kanen kosomero kangol lokapolon. Ido kereka kwana, eraas kesi itunga luejokuka; Dr Hegre iboie *kane*, ka Onac Jack Moore kalailo *kane*; naarai abu eong esiboik nges koapie tetere edoloki ngesi einer akiro ace nukapolok numam eong ajeni, abeit eong ainang Jack kede akakeju kasodi aanyun nuabala ngesi itei ijo. Aso abu do eong atema...

Abu ngesi kiboikin osiepika kosodi atemar, "Ijeni ibore yenikoto isio aswam nges ajenun icebore kane." ebala, "Iarit isio etengei kanuka Edeke." Kosodi atemar, "Isiomi isio eitaabo loka nuikamunito Pentekosit, Ainakineta, "Kipou isio alototo...Abu atukos naka inacan koporosi Calfonia, apotu isio eriamunos kede etunganan loewadikai eitaabo." (Ido ajeni eong nges.) Abu ngesi kotema ebe, "Ipuda isio aanyun ace kotoma ainakineta iswamaete,' kobongokin je, 'mam eong ajaatar adio kotoma kakesi,' ebala, abu bon eong ewadik nuikamunitos ngun'" Aso abu do ngesi kotema...Kosodi atemar, "Ido nakibunio isio ngina kasodete aanyun nu, iarit isio etengei. Ikoto isio Edeke."

70 Kasodi eong atemar, "Eebo, apak adiopet ajai etunganan loabu kolot." Ijeni ijo, kotoma akoteke elopet ngina, itei ijo. "Abu etunganan kolot kosodi adatar alupok nuipu noi. Kosodi ngesi alemar alias kere kotomake, ka nginbore, kosodi ngesi airaikin emudunga. Nginitupuruc alosi ngesi okek kosodi angoliar kanu aanyun arai ajaatar ngesi ediomudunga. Ibore yenisodit yenijeni ijo, atupuruc adiopet, ajaas iki iarei aipelun." (Idiotunganan yenekoritor emudunga... Aibo ejai George Wright ka kes, Roy Slaughter ka kes? Ijeni ijo, iki ngul iarei luapotu ipelunos.) 'Oo,' abu ngesi kotema ebe, 'ituritete Edeke kanuka akamisiri naka emudunga.'"

Abu eong atema ebe, "Ngesi ajaatar amisiri naka emudunga?"

Ebala ngesi ebe, "Eebo, koipone ediopet."

Abu eong atema ebe, "Apedori ti ngesi kojaatar, eebo." Abu eong atema, "Araas ngul luka Lutheran kotoma aisiteteunio nasodit, aitolomun ikit ngin, itei ijo." Eebo." Abu eong atema, "motimot abu imudunga ngin kopoloor." Mam eong abu kalimok kes nuikamunitos "aijulujula naka ekuse," itei ijo, abu bon eong ajalak nges alosit kede emudunga, kopoloor.

71 Aso abu eong atema, "Abu emudunga kopoloor, ido akaulo naka ipak yenedit abu kirup akou kotomake. Kosodi akou ngin ailur kwap nejaas akwi kosodi atemar ebe, 'Ha-ha-ha-ha-ha, imameotor ijo idiobore, yesi erionget lomojong loka Lutheran.' Ianyu? Ebala, eong nges arai e...Eong-eong nges arai laurie, apak nakapolon naka ikiyakia.' Abu ekwam okut, kosodete ituol luka akiria adengonor awai koipone kangol kosodete adoenen kwap; arai ngol Wesley, aitalaunio." Ianyu? Arai ngin atur nakaumokin naka ikiyakia nakijaunar oni, nges arai ekanisa loka Wesley kotoma apak naka Wesley, edeparit karaida atur na. Atur naka Ekanisa loka Wesley, arai atur naka ikiyakia, ido abu isiara. Inyobo abu ngol kismama, abu-abu kisiara Ngin.

Itei ijo, karaida esube itejenunit nuka iuni kalu, kane. Esube elopet, abu Edeke kotoma ageunet abu kismama ngin tetere eraun kwangin. Mam ber ipuda ijo ajaut kede Ebaibuli da, ipedori ijo asesen esube kosodi aanyun neijai ijo. Ianyu?

72 Kosodi do...Kosodi do akaulo kangun abu kodengor kangina. Ido inyobo abu kolom? Kolomuni abole naka emudunga, ajaatar icok kotomake; arai ekodets loka Pentekosit arai atukos napkepone kanapekejai kwap *kane*. Ageun *kane* ajaatar aki aarei nuka emudunga, Luther; *kane* ajaatar ngesi akou, Wesley; ido kokwap kane ajaatar ngesi icok luka emudunga (Inyobo?) Bec cut kwape ajaar kokau kane. Ibore ngipengin!

Eebo kwana, inyobo arai yen kane? Ibala ijo ebe, "Eebo, kwana," abala loka Pentekosit ebe, "Emamei eong aiswamanara kede yesi Methodist arai yesi Lutheran, "Konye, ejaas akiro ber da, ajar nginipengin

najai nejai iikit yenalomuni nges abu kingarak aiswamaun akou. Ido aijaar najai nejai akou nges eswamauni emudunga. Aso itei ijo, erai kere ainepeta nuka Edeke. Ajaatar kesi Emoyo Lokalaunan, koipone loka ajaut orotoke; kwape kwangin Wesley da, kokwap naka aitalaunio; konye lolo abu kinyaku einer kotoma angajepa ka ainyakakinio naka ageunet kokau kane. Emoyo Lokalaunan ngopengol, itei ijo, lukabeit. Amen. Eebo.

73 Eebo, "Koric ngun nuibu kopup, kinyek atwanare." Kwana ekokoro lo 4, eyuunit eong ebe erai:

Aso ejaas ijo ikiroria luikidioko koSarudio, itunga lumam emunaaritos inapenekec; elosenenete nepepe keong enapito lukakwangak, naarai ibusakinio.

Kwana, mam iswamaunete ediini kotoma Ngin, mam oni ikoto aswam ngun." Abu eong...Eong-abu eong asiomite ekokoro loegelara, mam tope? Araibo mam? Eebo, eebo, edolit ngin. Eebo. Ejok. Eebo, "Kotoma Sarudio, mam emunaritos inapenekec." Ejaas idis kotoma kakesi luaroko mam ecamunitos akukokin nejai ibore ngin, kosodete aidar akecewat ipiororoete ido kolaete; ailimakinet namojong anyoun kokau kanejai Pentekosit, luilelebas kede Emoyo. Luipu kotoma kakesi apakio ngun, neageuna atur naka Luther aiswamaun ediini; inyobo apotu kesi kiswmata? Abu kogeu kokau cut bala kwape abalar Ebaibuli, "Aswam kwape totokec." Abu kobu cut kokau, ageun ediini. Konye apotu idis kotoma kakesi kobwaata ebe mam kesi apedorete aswam ngun, apotu kesi kosalakis kanuka Edeke. Abala ebe, apotu kotemas-ebala, "Eebo, edolit, ejaas ijo ikiroria luikidioko, ido eraas kesi luibusakinio alosit kakonyeneka, konapitos lukakwangak. Mam iswamaunete ediini. Mam ikamunete asisianakin naka Inikolain, kwana. Mam bobo itegearete ekusidiini, konye kosalakis ilacakina kanejai Edeke. Kingarenik yesi Emoyo Lokalaunan kwape ilosioto yesi ngaren. Ejaas luikidioko kakesi luideuna."

74 Kwana ekokoro lo 5, acamunit eong:

Ngin yenejai akit, kopup-...

Aanyutu ber oni. Mam.

Ngin yenipikori itanapio kwangin inapen lukakwangak, kwabo mam cut emwatario...eekiror koitabo loka aijar; eong da alimori eekiror kakonyen nuka Papaka, kakonyen da nuka imalaikanake.

Kwana, "ikiroria luikidioko." Luikidioko noi, idis luikidioko, kes apotu kosalata lumam apotu kocamutu... aikamar...luabu aisisianakin naka Atulik kikama. Eebo.

75 Kwana ibunit oni einer nuikamunito aisiteteunio. Akoto eong...abu eong enyekik apetetait naka Luther tetere eong etolomuni ngin kotoma kane. Kwana ekokoro loetupakini ebal:

Ngin yenejai akit, kopup nuelimonokini Emoyo ikanisan.

Edeke, etamit aikwenyar kes kanen aikunyar awai kama ejai Enikolaene, "Ikunyasi awai kanen! Kidarata ikusinapen komam emunauna kama ejai idioboro kere luka akwap! Kosalakisi ilacakina kotomake, ido abuni Ngesi aingarenikin kes ka aiteten kes. Kwana, ngin nges ageunet nasodit.

76 Kwana, kanuka *aisiteteunio* apeleikinit eong "luapotu kokuata," luapotu kideunos karaida kotoma okanisa loka Sarudio. Ijo imisiik nuapeleikinit eong? Ngul luasalakinito ekuitos ibore ngin. Kwana abu... Kwana iponi alemun ngin bobo akuar naka moi kasodete ayangaun ngin cut kwap ne toma...toma atur naka Pentekosit, kasodi aitodikin yesi ebe nges ngin cut bec. Kwana, ejaas ice kotoma oboro kalu, luinera oni kane: "Eipone ali akuiata kesi ngin? Kwana iponi oni elemun ngin, kotoma atur naetupakini. Itei ijo, ejai oni alemun ngin tetere eupakin nepepe. Arai mam ijo iswamai ngun, itwaniari do ijo-ijo-ijo ainakin itunga...aibubukin ngin cut kotoma atur kangin naetupakini, itei ijo. Ejai ijo ainakin kes adumun ngin kwape einakinitor Ebaibuli ngin kane, itei ijo. Eebo.

77 Kwana, ngul luideuna kes luenera Ngesi nukec. Kes ngul cut kane, itukos yenididi yen kane yenejari kanuka aitojokio. Kwana, koany! Apotu kesi kolomutu kinga, apotu koanyutu Aica, abu Luther kogwetak ejok...Akaulo naka atwanare naka Luther, mere Luther; mam Luther iswamaunitor erionget edio; arai atukos ngin akauloke. Mam Wesley abu iswamaunitor erionget edio; arai atukos ngin akauloke. Ikageunak ngul kere luka Pentekosit mam iswamaunitor erionget; arai atukos akaulokec. Erai ngul kes iswamaunitor erionget, erai luetupakinete kes iswamaunitor erionget. Emalaika obe loka Aica mam cut iswamaunitor erionget! Ido idumuni ijo ebe kotoma kana-kotoma atur kana naka Pentekosit inyobo ebuni kangeset naka erionget kangol, da; itei ijo, nakepukokina Emoyo Lokalaunan ngin mamawok.

78 Kwana, abala Ngesi ebe, "Ijaatar ijo Aica naedit naideuna, adio bon, naekoto atwanare; ejai aijesar amusumusun, erai bon aitojokio, epedorete kesi aijulujul ijo kediwai. Imameotor ijo Aijar adio ber, naarai abu ijo koyanga ekiror loegelara. Konye ijo-ijo... ejaas ace da ber ikopun ijo kinga. Itei ijo, irai ijo...ijo-iku ijo ekanisa loka Iromayon. Iku ijo aisisianakin ngin kere, ido ejaas ber ace da ilom ijo kinga nelwana kwangin." Kwana isiomete yesi Ebaibuli ngopengol. Kwana, konye Ebaibuli ngopengol loisisianakin Emoyo Lokalaunan...Mam Nges abu kitoron kes kanuka nuajaatar kesi. Ebal, "Kwana erai ngin...kosalak toma

ngin kiton neabunio Eong. Itei ijo, kosalak idongakina toma.”

79 Kwana, abu atur naka ekanisa ogeun nepetai 1520, neajaatar ekanisa loka Iromayon, loka akwap kere loka Atulik kagogong naeleleba. Abu kinyikok kiton Olap Lokitomonet akaisauni ka ludiopet, (Arai iwadikaete yesi ngin kere kwap.) Olap Lokitomonet akaisauni ka ludiopet, 1570 A.D., neabu Martin Luther ikajakina akekiro akaisakanykaongon ka lukany okek ko Wittenberg, Germany, ido anyoun kapak kangin kogeun Aisiteteunio alosit ngaren. Yesi apotu ikamutu apaarasia ngun? Ber eong alem bobo tetere yesi ikamunete ejok. Olap lokitomonet akaisauni ka ludiopet, 1570 A.D., nges abu Martin Luther ikajakina akekiro akaisakanykaongon kuju okek loka ekanisa ko Wittenberg, W-i-t-t-e-n-b-u-r-g, Wittenberg, Germany. Anyoun kapak kangin kogeun Aisikwarunio, kogeuni akim agiran. Abu ngol kitepeg ekanisa loka Atulik loabwoi kanen, ngol kotoma akanike koipone kangol, abu ngesi kotema ebe, “Erai tope lo Akuan nakalaunan naka Kristo? Erai imugaati kede ebino!” Kosodi “ainomakin kwap!” abu ngesi kocakak ngol kwap. Edolit ngin.

80 Abu ngesi itepeg ekanisa loka Atolik, kosodi e...loabu ogeun...kobuni abocun kinga apakio ngun. Eebo, e...ajai elosi ngaren. Konye arai noinoi nuka-ejie kanuka apedor naka eipugae adepur kwa ajaar kanuka Ekanisa obe lokabeit, kanuka adoketai naka Ekristayone. Apotu bon kesi kojioto kanuka apedorosio nuka eipugae kanu alomun kinga naka akanisa kosodete aiswamaun ecekanisa. Mam kesi apotu kisikwarunos, elomunete kinga naka ekanisa loka Atulik kanu ainyakun Emoyo Lokalaunan ka apedor toma okanisa, naarai apotu kesi kongeroto Ngol. Ha? Arai atukos naka eipugae. Nen cut nges ebekokina ngin, “Ejai ijo ekiror ebe ijari, ido itwanit.” Kakiro ace, abu bon ngesi itolom ediini loka Prostenants, odaun. Abu ngesi kitolom amalayat kanejai nadote. Ngun cut bec kes apotu kiswamaunos. Abu ngesi kitolom Asalia kanejai Yesebel.

81 Kwana, idiotunganan kere yenesiomi Aisiteteunio ejeni ebe erai ngin kwangin. Naarai abu bon ngesi...Ikisila idis ka ainapeta lu...ka ipucino, abu bon ngesi kolema ngul, konye nuikamunito ainyakun Emoyo Lokalaunan toma okanisa kwape ajaar kokau *kane*, mam nges abu kiswamaun ngun. Mam, ipa. Arai ejie loka eipugae itia araut ejie loka Omoyo. Arai akiro nuka eipugae itia nuka Emoyo Lokalaunan. Mam ber nges alomarit Okanisa. Oo, onac, mam Ngol abongunit; ebonguni Ngesi *kane*, mere kokuju *kanen*.

82 Kwana, arai atukos nati naka eipugae, konye mam arai kanuka Naiwadikatai Nakalaunan ka-ka Emoyo Lokalaunan. Arai atukos naka eisupane kanuka eipugae naabu ngesi kolemaria ijenuneta luitunitore emusalaba, ka nuka “*Ayogan Maria*,” ka ngul kere. Konye abu ca ber ngesi kinyikok aitolomun atikasimu. Abu ngesi konyikok aitolomun na...Inyobo inyarit ijo ngin? Aijaanakineta nuka aijaikin nuka nuaraas ngun kere kanen naelosio kesi toma atupuruc naka Epasika ido ekecokon amunokinor kes “Ekrisimas lokajokan,” ijeni ijo. “Mam bobo ijo ianyuni kes kiton apaaran naka Ekrisimas,” abu ngesi kotema ebe, ijeni ijo. Ngun...oo, aitogogongio-aijaanakin naka aitogogongio, kes atamit eong alimun. Ayangar ngul ngina kosodete aitogogong kes, ainakin kes aibil emugaati irwan nasodit ka aitogogong kes. Emamei ibore kwape kangin kwape aitogogong. Aitogogongio adiopet bon naelimunitai kotoma Obaibuli, nges ne kotoma-kotoma Obaibuli, nges neabu Edeke kitogogongio Akekirot kede aanyununeta ka nukaumokin etupanakinete. Ngin nges aitogogongio, mere aitogogongio naebait nejai ekanisa loka Lutheran, konye Edeke itogogongi Akekirot kotomakon. “Kosodi Ejakait ...aswam kede kes,” Marako 16, “aitogogongio naka Ekanisa loka Pentekosit. Ngin nges aitogogongio-...Edeke itogogongi ebe ejari Ngesi, kwape Edeke loiswamai nukapedor kotoma Okanisa, einer kotoma angajepa, aijulio naka angajepa, ido iswamai iboro ngupengul luapotu kwi kiswamata kotoma ageunet.

83 Eong ajai aitapasaar yesi? [Kobonggokini atukos ebe, “Mam.”-Ekewa.] Ejok. Kwana, komisiik mam kes apotu inyakutu aisikwarunio naka Emoyo Lokalaunan; apotu kesi koyangautu atur naka ekanisa nakitetet. Apotu kesi kinyakutu luademaritari; luapotu kokuata kotoma adokena nuka apolou nuka Iromayon, kanu aiswamaun adokena nuka Protestant. Ngin bon nges ibore yenapotu kesi kiswamata. Apotu kosomunos kosepula kiton akim do cut, itei ijo. Edolit ngin. Cut becebec.

Abu Yesebel kouru apese. Ido kwana mam iwomit ebe ajai eong alimun nu kanu-kanu araut loalai, ajai eong alimun nu naarai abala ebaibuli kwangin! Ebaibuli kotoma Apukokinio 17, abala ebe, “Arai ngin toto naka nudotia,” abala Yesu kane, “Kwape ajaar Yesebel, kwape kwangin ejaunor ngin da.” Ido abu ngin kitolom adwe nuapotu komunaas akwap namam amunaara. Kwana, ngun cut becebec kes eswama Protestant nejai Emoyo lokabeit loka Edeke, abu komuna ibore kosodi aibwaikin ngin cut nejai ecerionget. Lo, arai itojok Ejakait, Nasabiiti tupuruc, akoto eong aitodikin yesi ebe-ebe iswamaikinete kesi aput nejai etiang, ido etiang nges arai Rome. Ido apotu kesi kiswamautu aput *kwa* kangin. Araibo ngin inyo? Erioget! Oo, amuno eong ebe elomari ngin toma otuon luka itunga.

84 Ido iumokini ijo inyobo einakinit eong etijie iriongeta kagogong noi kotoma ajaraka kere; mam eong abu ajeni nuarai eong. Konye ajai icebore tomaka iworoi; mam eong apedori aitikokin ngin. Abu eong aumokinite, ibore duc yenetingitor eong angor kwangin? Ianyu? Ajaraka kere. Mere-...Apeleikinit eong... mere angor nukabeit; apeleikinit eong nu nuebeit araut, ijeni ijo, aomisio nuka iponesio luajokak anyoutu kamakec ka nginibore kere. Ijeni ijo. Ngol nges eipone...Icebore kotomake.

Nearokor eong arai itelepat yenididi, kokuju kangina, atapit eong asesen angor epote ngina korot, ka akec...ajenete ebe ajaas ikecekiliok kinga ngina aswam, kesi da kalaije kede ekesa ece, komeras; kosiep naka erot, ido etonyoununete ngul kes ido korot, aitacaun kes akwes ejok kanu ayangar kes ore, aipo ikecekiliok inyammat lukatibong. Abu eong atema mam kes ibusakinit ararasasit naelai aitor tomakec. Abeit ngin. Abu eong atema ebe ijessara kesi adepar itiang da, aswam ibore kwa kangin. Kasodi eong...Nearaar eong ikar itomon ka lukanykaarei, itomon ka lukanykauni lukapolou, amina eong aanyun a-apese ebuni korot, amina eong atubor owai je loka erot, abala ebe, "Emun ngol loeur erono." Ianyu? Ido ti eong arauna loangara ne teni, konye neadumuna eong Edeke kotauka, abu Edeke kainak eong ajenun ebe ejaatar Ngesi iboro luketiai kinga nen, ejaatar Ngesi angor nukabeit. Mam kesi kere emunaarete akecewat kwangin; Isiyalamikini oni Edeke kanuka ngun.

85 Neajaar eong lai je toma Afrika, neajaar eong lai je toma Switzerland, ido neajaar eong toma Rome, engisitai eong aingiseta nu noi, "Hei, ebalas, Onac Branham, ijaatar tope yesi adioberu naenapit ejok kAmerika? Kanginikosio loebuni lailo, ejai ibore yenerono kede akusingor."

Abu eong atema ebe, "Itunga luka Amerika ngul. Konye kijaar oni acekabakanut naejai lai je, ngin nges Akabakanut naka Edeke; eraas ngun angor cut nukabeit." Eraas kesi!

86 Abala Ebaibuli ebe, kalai je kotoma-kotoma onabin, ebalas...Eyuunit eong ebe arai bala esula lo 5 loka Isaia, mam eong ajeni ejok, epedori korai esula lo 5 arai lo 6 nen; inera nuikamunitos, "Isirerengitai akoku naka Sion, ebuni aiku kotoma apak kangin iboro ngul kere." Eipone loalosio ngin korot; ejesari ngesi akesokosin kwap; kiciga elosi; komojiria koipone kangol, ka iboro lueswamai ngin. Cut becebec kwape iswamata kwana, cut becebec. Ainap inapen bala luka ekiliokit, naerai adiakar kanejai Edeke.

87 Aanyunit eong atukot naka ediini, apak edit kokau elomarete toma ajaun kede...eipone loesubit bala atukot naka alakanar naejaununotor kesi nginikuar, ido angor nu kere elomete toma kede ipalei luuriesik-... Arai-arai inyo-arai inyoika bo inyaritos yesi iboro ngul? Mere ipalei luuriesik, konye iboro luce kwi. Eebo, eraas kesi ecakak igaalin. Arai iboro ngul kangina. Kere elosete ngaren...Ekotosi kesi aremio, eebo; onac, erai ngin abao naelal nepetai neetia *kwangin*. Edolit ngin. Engarenon elomunit kama...*Ekaloton kakeje*, nges atemar "kakejekon," ido erai ngin bec nuipudasi kesi. Nakabeit ngin.

Konye, oo, ibala ijo, "Eebo, kwana, aomit eong ebe ibus aberu ainap ngun adepar esikat."

Abala Edeke ebe, "Erai naketal kakonyeneKe aberu ainap inapen..." Ido naetubio aberu iketim bala ekiliokit...Ekoto Edeke aberu asubit bala aberu, ainap kwape aberu aswam iboro kwape aberu.

88 Ido mam Nges ekoto ekiliokit loejaas kede amsiribun nuijesuna kwap koipone *kalo*, kosodi do, osubite bala atudo iboie kalarike koipone kangol. Ekoto Ngesi ngol asubit kwape ekiliokit. Eebo, ipa. Enapete kesi kwape angor kiton neetionikitor kesi ajenun inyo eraasi kesi. Erai-erai aitososit, luengeritos enape loajokan lu ka nginibore kere yenijaatar oni lolo. Komam abunokin ijai oni toma apak nakawasia, emamei bobo ibore yenideuna kotoma akwap kana dimarai kanu Edeke abukun akenyunyura nejai akwap kosodi aicwear ngin. Odaun. Edeke loedolit ka Lokalaunan mam bobo epedori aswam imodiobore.

Apotu kongeroto Aokot nuka Yesu Kristo! Adumutu aisisianakinetakec ikulepk! Alomasi toma orionget! Kosodi lomojong...kede papa ece lomojong kede eke...edigiri ka akekola ibelokinitai, abunore kosodi alimokin kes, "Ikadwe luisirerengitai." Mam ngin erai akepolou idiobore adepar apege elimunit ngin.

Ajai eong alimokin yesi, ibore yenikipuda oni atibong na nges abongor toma Obaibuli ka Emoyo Lokalaunan, onac, ka apedor naka Kristo loejarunit abunore Okanisa iswamai aanyununeta ka nukaumokin ka nukapedor. Amen! Ngol nges Eijiri, Eebo.

89 Abu kitolom...aso...Eebo, abeitt ngin, abu koyangau. Abu aisikwarunio kiswama iboro ice luejokuka kangina, aisikwarunio. Konye mam abu koyangau Emoyo Lokalaunan. Mam kes apotu koyangautu aitodol kotoma atur kana naka Laodikia, kwap kotoma atur naka Pentekosit. Konye abu kiswama ibore idiopet. Abu aisikwarunio na iswama ibore idiopet yenabala Ngesi, "Mam icamakini ngin atwanare kwana, kitogogong kosodi ainyikokin aiyatanakin tomake." Ianyu?

Abu kinyak Ebaibuli lotitai nejaas itunga bobo. Abu atur naka Luther koyangau Ebaibuli lotitai. Apotu kesi iketakinos kosodete ageun ainakin akwap Ebaibuli. Kisirereng Edeke luka Lutheran kanuka ngun! Eebo, ipa. Apotu kesi kinyakakisi Ebaibuli akanin nuka itunga luemamei adoketait kokanisa bobo; arai isasedotin bon. Mam acamakinitai karaida asesen Ngol; naerai arai nualimuni ipaapa, ido arai ngesi edeke; aso nualimuni ngesi kere, eswamaete ngul ngun.

90 Aso kwana, aisikwarunio naka Lutheran, nuepudas kesi, nges "aitogogong." Kwana ijaatar yesi Ebaibuli akaninikus, kwana osiom Ngol! Kiyu Ngol! Mam irupakini Ngol asaduku, kobala ebe, "Eebo, kijaar isio Ebaibuli." Mam ngin elosi aiswamaikin ijo adiojokis kangina. Ejaas luka Lutheran luipu Pentekosit lolo, aiperikin Ebaibuli kosiep kosodete ayangar nuebala icetunganan kanuikamunitos Ngol. Onac, kosiom Akirot! "Kongic Naiwadikatai, naerai ngun kesi kitejenaritos Nukang," abala Yesu. "Tomakec iwomitos yesi ebe ijaatar kAijar Namam Edaun." Ngin nges ibore yenebeit aswam; kosiomata Akirot!

Kwana, abu Ngesi kolimok luedolito, "Kosalakisi nejai Ngin, e...mam-mam icamakinete ngin eburucikin."

91 Kosodi icebore yenakoto Ngesi kes asalakin toma, ajaatar kesi agogong adio naedeuna kotomakec, arai...Aisikwarunio naka Luthera, ibore yeniareit yenabu kiswama, abu kitacau aisisianakin naka aitojokio. Mam ekanisa loka Atulik ecamunit aitojokio; erai ekanisa loka Atulik.

Kwape bala esasedoti ngol, apotu kwi kolemas nges okwamin kane apak ace kokau. Abu ngesi kolim ebe, "Emamei bobo aitajario ace kanenice dimarai toma okanisa loka Atulik." Aitajario ejai toma Kristo; mere toma okanisa loka Atulik, mere toma okanisa loka Protestant. Erai toma Kristo, nges ejai aitajario. Konye iyuunit ekanisa loka Atulik...mam kes epodosi nuebala Ebaibuli; erai nuebala ekanisa. Ianyu? Mam ijo ipedori ainerakin kede kes. Mam kesi epodosi. Ejaatar kesi...inerakinos kesi kede ijo kanuikamunitos atikasimu, idiobore kwape kangin; konye ibu ijo nejai Ebaibuli, engerete kesi Ngol ainger, "Erai nuebala ekanisa."

Konye abala Yesu ebe, kotoma obore kayepekayen, abu Yesu cut Elopel kotema ebe, "Arai elema idiotunganam idiobore awai arai aiyatakin icebore tomake, elemari Ngesi ewai lokangol awai naka Eitabo loka Aijar." Abala Yesu ebe, "Koraun akirot naka idiotunganan aingal, ido Naka korau Abeit. Edaunos Akuj ka akwap, konye Akakirot mam edaun." Biai ngin nakabeit? Oo, erai Ngin kwangin, onac.

92 Arai eong ekeyuunan loka Akivot naka Edeke! Edolit ngin. Ido mere bon Akivot ngin nainera Edeke *kanen*, kosodi abu eong elip Papa Lokokuju ainakin eong Emoyo Lokalaunan kanu *aitogogong* Akivot ngin, ainakin Kristo aijar kotomaka. Nges ajenuna eong ebe ajaatar eong kAijar Namam Edaun, mere ebe ebusakinit eong Ngol, naarai einakinit Akesianut Nges mamaka. Ngin nges atiida. "Toma atiida na adukokini Eong Ekakanisa," abala Ngesi.

93 Eebo, aitojokio. Eebo. Ibore yenekamunit ngin arai, akaulo na kes aitolomun icebore yenimam ebusakinit kes ajalakin etwani, arai ngin, ajaatar kesi kede Ebaibuli kakaninikec bobo. Apotu luka Lutheran kiswamata ngun. Kosodi icebore, apotu kesi kodumutu aisisianakin naka "aitojokio kanuka aiyuun." Ngun kes esisiankini Luther, ngitunganan kere ejeni ebe arai ngin akeisisianakin. Aitojo-...Yesi mam isesenete kwape kitekoror ngin? Kosodi do Wesley abunore kede aitalaunio, kosodi do kane kobuni Penkosit kede aibatisao naka Emoyo Lokalaunan. Cut kede aitekooro. Kwana eong...

94 "Ijaatar ijo iboro idis, kosalak tomakec kwana, ido-ido mam icamakini ngul atwakare. Arai mam ijo isalakini nejaas ngul, abunit Eong katipet bala ekokolan ido ibongori bobo ijo cut toma odiini." Ido ngun kes apotu ngul kiswamata, cut becebec, abongor kau toma. "Ibongutu yesi cut bobo nejaas Inikolain, naarai ipote yesi abongor cut kau odiini. Kosalak toma! Kinyikok aisiom Ebaibuli ngol, ido koric aitojokio, ido kinyikok alosit ngaren." Konye ejaas idis luapotu kolomutu kotoma kangina. Idis luikidioko.

Akaulo, kobuni losodit, Luther; kotupakini Zwingli, ido kwap kiton Calvin; ido ngaren, ka ice da, cut kwap kiton Wesley. Konye ajai aatongot luapotu kolomutu kangina luesisianakinete aitalaunio. Ido kotoma aitalaunio aatongot luapotu kolototo kiton nejai Emoyo Lokalaunan. Itei ijo, aatongot ngin, kere apotu kolototo kitoritos nepenen, koricitos Ngun-Ngun koraas nuejarete. Eebo.

95 Konye, nakiuneit, apotu kesi koyangautu iponesio luipu luka aisisianakineta nuka ikapirin eupasi nepepe kakes, kede ngin, kwape nat idiinin, aibatisao naka aingal. Kwana, apotu kesi kolomutu kicokicokete ka ace kere koipone kangol, ka Papa, Okoku, ka Emoyo Lokalaunan. Apotu kesi koyangautu atikasimu. Abeit cut ajaatar...abeit cut apotu kesi kibecokinos kede ekiror...kede...nuabala Yesu kane, "Ejai ijo ekiror ebe ijari, konye itwanit." "Edolit ngin. Eebo.

96 Iwongonikini, erai abeit ebe abu aisikwarunio iputa awai nuipu kotoma aisisianakineta numojong nuetemonokitai ka-ka aiyuuneta ka ice da, konye abu kokurwok kotoma okanisa ka ainyakakinio naka ayangaun aijulakinet, abu kokurwok ainyakakin aisisianakin naileleba naka Eijiri kede aanyuneta etupanakinete. Amameotor ekanisa loka Lutheran Ngun. Amameotor kesi ngin; ido amameotor kesi ngin kotoma atur naka Wesley. Ajaatar bon kesi ngin kwap kotoma angeset naka atur naka Laodikia.

Kwana, iloma oni toma ngin, ibongori oni toma Naiwadikatai kasodi eong aitodikin yesi cut bec eipone loapotu kesi kisumunikinatar ngin. Amameotor kesi...mam abu kinyakak aisikwarunio naka Emoyo Lokalaunan.

97 Apotu kesi konyoutu kama ejaas aputosia; ido apotu kesi konyoutu kama ejaas aputosia, abeit ngin. Apotu kesi kolemasi aputosia kinga naka ekanisa; Maria, ka Yosep, ka-ka Petero, ka Paul, ka ngul kere. Apotu kesi konyoutu kama ejaas aputosia, konye mam kes apotu kibelokinos nejai Kristo loejarunit. Abu Luther konyou kotoma aputosia, konye kolomari toma obore yenesubit bala eipugae arai e-arai ediini arai erionget, kanu aiswamaun bonik ecerionget (Aput kwape kanasodit) kosodi aitam apoloor adepar ngol kede ediini.

Ido kwana eroko kesi eijiosi. Luka Methodist eroko ekotosi...luka Baptist kere araun Methodist. Ido luka Lukatheran ekotosi luka Baptist ka Methodist araun Lutheran. Luka Pentekosit ekotosi luka Baptist, Lutheran ka nginibore kere, araun luka Pentekosit. Itei ijo, inyikokinitos yesi aiyatanakin odiinikus. Konye

mam ngun eraas ainapeta nuka Edeke ageunet ber da. Ainapeta nuka Edeke kanuka ainyakakinio arai ainyakun ngin najai ameun kageunet.

98 Koany! Kitajarutu ngun! Arai edo eitabo lo kwap, kwana alemun eceitaabo ido aibwaikin aboisitike mam erai ainyakakinio, ajarun. Ejai ayangaun *ngopengol*. Amen. Aso arai abu ekanisa kotwana kotoma Aturio nuka Amuton kosodi araun kere ekapirit kokau kane, aso ainyakakinio do, e...Erai aisiteteunio, aisiteteun; konye araun *yenisiteteunitai*, ka *aurio irwan nakiareit*, eraas iboro iarei luitegelikina. Ianyu? Apotu kesi kinyakutu aisiteteunio, aisiteteun, anyoun awai kama ejaas akeceputosia ka ice da, konye mam kes apotu kinyakutu Emoyo Lokalaunan toma okanisa. Oo, kisirerengitete ekiror loka Ejakait! Onac, inac, ijo ipedori asesen ngin? Mam kes apotu kinyakutu Emoyo Lokalaunan, naarai ngol nges cut eyangauni Aica nakabeit naka Eijiri...Konapak akonikopiira kwana. Ngol loeyangauni Aica naka Ejiri lokabeit nges emalaika loka ekanisa kokwap *kane*. kwana, ilosi oni aanyun Nasabiiti ngin.

99 Kwana, ajaatar kesi kaica kokuju naka aica, ido aica naka Ekristayone, konye epote kesi nginidiopet abongor nejai erionget. Konye ebuni ajaun ediopet loebuni abwoikin ngin. Eebo, ipa. Ido ebuni ngesi aikamun idis kangina cut kwape aboio eong kane kolutaari kalo. Edolit ngin ido ebuni ngesi abongor cut toma ageunet. Ido abuni eong alemun Naiwadikaere kotoma Aitutuket Namojong ka Aitutuket Nakitetet kasodi aitogogongikin ijo ebe ebuni ngesi aswam ngun, emalaika loka ekanisa loka Laodikia, Edolit ngin, ebongori cut kau nejai naka ageunet kosodi aitajarun ibore yen bobo. Kosodi ajarun abunore kotoma apaaran naka lu kane. Edolit ngin.

100 Konye abu Luther okop ekanisa kinga, yen abu koburucikin. Yen abu koburucikin, aikunyakinet adiopet, aitala-...Aitojokio. Yen abu koburucikin, abu ngesi kolek akeju adiopet kinga kotoma naka ekapirione. Abeit ngin. Apak natupakini, kolekuni akeje aarei kinga. Odaun.

Kwape bala...Ijo ibu komisiik kotoma Obaibuli ejaas-ejaas akipi nukelomunete kokau naka Eyekalu? Ido abala ngesi ebe abu koany akipi edolete akunginike; kosodi natupakini, akipi kiton angabeteke; kosodi apak natupakini, apotu korapiasi akouke. Nakelosio ngesi arapiar akouke, ajai nges adolokin toma aiboisit naraar nges aidu. Itei ijo, ajai nges aidu.

Aso ijai oni adolokin toma aiboisit kwana erai aidu arai mam alumor. Odaun. Ebuni ngin aitulumor ijo kosodi alelear ijo cut awai, arai mam aitolomun ijo toma, adiopet. Aso, erai aidu arai mam alumor! Aleluia! Oo, eyalama eong noi kanuka Emoyo Lokalaunan! Ijo mam?

Eyalama eong noi ebe apedori eong alimun ebe arai eong idiopet kakesi.

Idiopet kakesi,...(Inyo kesi? Mere *lu*, *ngul*, arai *kwi* arai *kwi*)

...eyalama noi ebe apedori eong alimun ebe arai eong idiopet kakesi, Aleluia;

Idiopet kakesi, idiopet kakesi,

Eyalama eong noi ebe apedori eong alimun ebe arai eong idiopet kakesi.

101 Ngin mam epupo ejok? Kopupok:

Atukokina kesi agola nakokuju,

Kere kilipete kokiroriKe,

Aponi kes kibataisi kEmoyo Lokalaunan%%Kosodi apedor kanuka aijaanakin abunore;

Kwana nuabu Ngesi kismamaik kes apaaran ngin

Iswamaikini Ngesi ijo da ngupengun,

Eyalama eong noi ebe apedori eong alimun ebe arai eong idiopet kakesi.

Oo, idiopet kakesi, idiopet kakesi,

Eyalama eong noi ebe apedori eong alimun ebe arai eong idiopet kakesi, Aleluia;

Idiopet kakesi, idiopet kakesi,

Eyalama eong ebe apedori eong alimun ebe erai eong idiopet kakesi.

Elosenete kesi osommeroi luesiomere akiro nuka ediini? Mam. Ice kotoma kakesi mam epedorete aiwadik ikecekiroria da. Abeit ngin. Mam Petero apedori. Abala Ebaibuli ebe mam nges esisiat ido mam arai etunganan loasiomit, nges kede Yokana. Konye apotu kopupokisi kes, naarai apotu kojenu ebe kejaasi gul ka Yesu.

Karaida aticepak mam itunga esisiatos araut (Asiomit.),

Arai epoget kanuka ajenaara nakwapin ("Oo, kisirereng Edeke, kijaar eong nuipu nuu ka kwa.")

Adumutu kesi kere Pentekositikec,

Ibatisatai kOkiror loka Yesu;

Ido ejaas kwana kesi alimonokin, luelwaka ka luenyanyara,

Akepedor eroko esalakinit ikoni nepenen.

Eyalama eong noi ebe apedori eong alimun ebe arai eong idiopet kakesi.

Oo, idiopet kakesi, idiopet kakesi,

Eyalama eong noi ebe apedori eong alimun ebe arai eong idiopet kakesi;

Idiopet kakesi. Idiopet kakesi,

Eyalama eong noi ebe apedori eong alimun ebe arai eong idiopet kakesi.

102 Ijo mam iyalama kanuka ngun? Eyalama eong noi ebe arai idiopet kakesi. Ejok do eong araut idiopet kakesi itia idiobore kere yenajeni eong nuke. Oo, ejok eong araut idiopet kakesi adepar araut Ekapolon loka akwap naka United States arai ekabaka loka akwap. Ti eong...Karai Ejakait Yesu abunore ne, kosodi atemar, "Enyakari eong ijo araun ikar akaisarei ka lukany lukapolou kasodi aitariaun ijo ekaanyanaran, ekabaka loka akwap kere, kasodi ainakin ijo ikar ilukumin itomon luka-luka aijar kotoma akwap, aibo ikar akaisarei luka apolou; komamei apak naidekakinor, ariebo naka etau, ido kere ebuni araut alakanar ka nginibore kere, ido orai ekabaka loka akwap kere, kosodi aijar ikar ilukumin itomon; araibo ti ijo ipudakin araut idiopet kakesi kosodi araut yeniutaara bala kwape iswama ijo?"

Ti eong atema ebe, "Eyalama eong noi ebe apedori eong alimun ebe arai idiopet kakesi!" Akaulo naka ikar ilukumin itomon, inyobodo etupakini? Konye Aijar na Namam Edaun. Eipone ali abunio Ngin, onac? Oo, ebunit Ngin kotoma Aokot. Abeit ngin. Ebunit kaneelwana, ido ebunit kanu Edeke aitariaun akuan kosodi aiboioror kakidingosiwok;

103 Kotoma atuba kolo sek, ajeni eong ebe erai kwangin,

Aponi Imukeru kouruunai kanu aitajar itunga kotoma adiaakanareta.

Abu Yokana koany Nges kodoket, Imerekek ikar kere,

Oo, Kristo, Loebubukinio kOkalvari.

Oo, amina eong etunganan ngol loko Galilaya, loko Galilaya,

Naarai eswamaik eong nuipu.

Etim akadiakanareta kere, ebwaiki da Emoyo Lokalaunan toma;

Oo, amina eong, ido amina eong Etunganan ngol loko Galilaya.

Aberu naka atan, abu Ngesi kolimok akadiakanareta kere, (Nges ngopengol bian, lolo, ka ikar kere.)

Ido eipone lojaatar ngin kikiliok ikany kotoma apak kangin.

Aponi ngin kitimoi nginidiakar, kosodete aibwaikin ainapakin naidul toma;

Abu kiworo ebe, "Kopotu koanyutu Etunganan lo loko Galilaya!"

Oo, amina eong Etunganan ngol loko Galilaya,

Naarai eswamaik eong nuipu noi.

Etim akadiakanareta kere, ebwaik da Emoyo Lokalaunan toma;

Oo, amina eong, ido amina eong Etunganan ngol loko Galilaya.

Abu eketeleman esolo kolot ailip oyekalu apak adiopet,

Abu kiworo, "Wu Ejakait, kitimoi eong!"

Aponi kitimoi nges kanuka nginidiakar, kosodi ainapakin naidul alomun toma;

Abu ngesi kotema, "Koputu koanyutu Etunganan lo loko Galilaya."

Aminakit eong ngin. Ijo mam?

Aponi kitonyununai ingwalasik, ibubui aponi koinakinai einer,
 Aponi kinerakinai apedor ngin kede amin nejai angolol
 Ido aponi kitikwenyununai imudukiok, ido ajeni eong ebe apedori bon araut
 Aitim naka Etunganan kangol loko Galilaya.
 Kowoto ngol kede eong:
 Oo, amina eong Etunganan ngol, loko Galilaya,
 Naarai eswamaik eong nuipu noi.
 Etim Ngesi akadiakanareta, ebwaik da Emoyo Lokalaunan toma;
 Oo, amina eong, ido amina eong Etunganan ngol loko Galilaya.

104 Ijo mam imina Ngin? Oo, ikatunga! Eijiri lo lokajokan loka Emoyo Lokalaunan, oo, eipone loaminar eong Ngin. Amina eong Nges kede ekatau kere. Eyalama eong noi atibong na ebe imarakinitai eong kede kes, ido ijai nepepe kwape inacan ka ainacan, luka Baptist, Methodist, Pres-...Atulik, Presbyterian, kaluce kere, Etolomu Edeke oni kinga kotoma oipone kere loka aijar ido ayangau oni ne nejai eidicane lo lokaumokin loka Emoyo Lokalaunan. Mam irai luka ediodiini, eraas ngun nuikamunitos kes nuiswamaete kesi, konye irai oni Akabakanut nakaiyeiyea. Kibatisaikinitai oni toma akuan naka aiyeyiyea naka Yesu Kristo, kanuka Emoyo Lokalunan, ido ngin yenekoto kere, kobu.

Abala Yesu ebe, "Kere luainaki eong Papa epote mamakang, emamei yeneoliori, ido etonyouni Eong kes bobo kotoma apak nakawasia," Oo, ikatunga! Atapit oni awoere ekosio lomojong kokwap kolutaari kalailo; mam eong ajeni arai ipedori oni awoere ngol arai mam, "Agola, agola, eebo, ejai agola, ejai agola toma togo kanuka," Yesi iminas ikososio ngul lumojong koipone kangol? Koinakinai isio aruo naka acuman ikatunga, idiotunganan yenejeni ageun ngol. Aibo ejai awokaraman apiano? Ngin ejai ne? Araibo onac Teddy arai idio kotoma kakesi kane? Kesi? Oo, ikatunga, mam eong-eong aseseni nges adioboisit.

Apak, apak, eebo, ejai apak,
 Ejai apak atan kanukon;
 Apak, apak, eebo, ejai apak,
 Ejai apak atan kanukon.

105 Yesi iminas ikososio ngul lumojong? Ido amina eong da lu:

Komusalaba neabu Ekatajaran kotwania,
 Kwap ngina neabu eong amonyia kanuka aitalaunio kotoma adiakar;
 Oo, kangina aponi kibwaikinai aokot kotauka;
 Aibuses kojai Okirorike!
 Aibuses kojai Okirorike! Ekekiror loketiai!
 Oo, aibuses kojai nejai...(Kamudukoto kwana kasodete awoere ngol.)
 Oo, kangina aponi kibwaikinai aokot kotauka;
 Aibuses kojai Okirorike!
 Etajaritai eong kaumokin kama ejai adiakar,
 Iboie Yesu kajijim kotoma,
 Kangina komusalaba neabu Ngesi kitolomaria eong toma;
 Aibuses kojai Okirorike!
 Aibuses kojai Okirorike! Ekiror ngol loketiai!
 Aibuses kojai Okirorike! Ekiror loketiai!
 Kangina aponi kibwaikinai aokot kotauka;
 Aibuses kojai Okirorike!

Kwana kwape kiwoio ekokoro loetupakini, iyogaikinos kede icetunganan yenejai ngarenekon, kaukon, kosiepikon.

Kobua, atapar na ileleba noi ido ejjijim;

Kibwaik ekonitau lokican akejen nuka Eketajaran;

Oo, oloma toma lolo, kosodete ailelebikin ijo;

Aibuses kojai Okirorike!

Aibuses kojai Okirorike! Ekiror ngol loketiai!

Aibuses kojai Okirorike! Ekiror loketiai!

Kangina aponi kibwaikinai aokot kotauka;

Aibuses kojai Okirorike!

Oo, amina eong ngin. Yesi mam iminakit?

Aibuses kojai Okirorike! Ekiror ngol loketiai!

Aibuses kojai Okirorike! Ekiror loketiai!

Kangina aponi kibwaikinai aokot kotauka;

Aibuses kojai Okirorike!

Oo, ikatunga! Eyalama eong noi kanuka ngun. Yesi mam iyalamasi? Eyalama eong noi ebe apedori eong abunore nejai Atapar na naileleba ido kojijim, aibwaikin ekatau lokican akejen nuka Eketaran.

106 Eitunit eong apaaran adiopet, nearaar eong itelepat yenididi, nepetai ikar itomon ka lukanykauni lukapolou, akeri awai kama ejai Ejakait. Abu eong alot To, akoto eong...Arai papa etekeran abalasis, ido akoto eong alosit kinga kasodi aitapatan abalasin. Arai ibore yenejai eipud kotauka. Oo, alimokini eong ijo!

Abu eong alot nejai ekalimonokinan loka Baptist, abu ngesi kotema ebe, "Konyou kobwo kosodi atemar, 'Yesu Kristo nges Okoku loka Edeke,' ibwaikini isio ekirorikon oitabo." Mam ngin abu kisimonik eong.

Nginiboisit kere alosi eong nejai icetunganan...Nejai loka Seventh-day Adventist, abu kalot mamake, etunganan lokajokan, Onac Barker, onac lominat, abu ngesi kotema ebe, 'Billy, kobu ocam asabato naka Ejakait.' (Acamunit kwana eong.) Konye abala ngesi, "Apaaran nakasabato." Kasodi eong aomoom, "Oo, ikatunga, mam ngin da epedori aswam ngin." Itei ijo.

107 Abu eong alot To, kasodi eong aomoom ebe...Abu kadol cut kuju ngina akuar ngin, ijai isio atukonokin ibaren kanuka amukian. Ido ijeni ijo, ajai ijo alemar ikonimugug awai ka ekonikapu, kosodi aibwaikin kinga, kosodi aitwasam ikonimugug kwape apilo. Ido ajai eong aperi kokau, kokwap naka ikito luka pine akuar ngin. Ajai eong toma aidar naka akuar, ido kwangin do ajaas itelepai luka akuar kinga ayangaunun akituk. Ido ajai ekesa loamojongit loanyaritai "Slim," alomunit ko Texas, ajaatar ngol a-ajita kangina ido ajai ngesi airam:

Aibuses kojai Okirorike!

Ajai bobo ekesa ece ngina ajaatar alacet kede atutubet naka apapula, okusi tomake. [Kirukokini Onac Branham, Aibuses kojai Okirorike-Ekewa.] Ajaas kesi awoere icekososio, ikosio yenikecokok, kosodete adolokin awoere ngol ebe *Kangina komusalaba*.

Ikatunga! Abu eong ebelokin, kasodi aidokokin ekabilangiti kuju akouka *kwana*, kasodi angoliar kau kinga, ijeni ijo, ido kosubite bala ekajasi aacer ngun cut kokwap kangina koyapiete kede kuju naka ikito kangul ka imor ngul. Aiwewea ngin namojong namam edaun naka ikito kangul luenyaritai pines, apedorit eong aipup Nges iworotoi, "Adam, aibo ijai ijo?"

108 Nepetai isabiitin iuni ekaulo kangun, abu alot oibuga kosodete isap kere amerikin, ido mam eong abu amat. Ajai eong ayangar ngul kere ore, ailelebikin kes omotoka, ejaas ngun da. Kosodete kesi alomar kinga ngina kosodete ainomonomoun ibokor idiopet kayenice, ka nginibore kere, ido arono noi mam ayuara; ainomun ekokoro loeja aitorio ngina, kosodete aitalaikin nginidiopet dollas ikany arai epedorete kesi aitor nen, ido mam kes apedorete alosit kosiep naka erot kokinga kangina koipone kangol, ijeni ijo. Ido eipone ngol ajaar kiton neekuariata kesi kere akwes, akaulo naka kes adumun ikecesirigin.

Ido ajai eong kwap ngina ido ajaas kesi kere amat, abu eong alot awai kasodi aboikin kwap. Abu

eong aomoom "Ikatunga, ikatunga!" Nepetai ikar akaisauni ka lukany kau, arai akaisauni ka lukany, aomit eong ikar akaisauni ka lukany kau. Kasodi eong aiboikin kwap ngina, awai. Arai Phoenix iboisit yenadit apakio ngun, kibunit isio ko Wickenburg kokwap kangina. Eboie eong kokwap kangina, ido ajai ipese yenididi yeniko Spain yenabu kobu kosipi akwap aisip kitorite ngina; ido eboie eong kangina kede akopiira na nati ikaja kokau naka akouka; abu ngin kotubor kosodi acakar iketaabala, ijeni ijo. Abu eong atema "Hei, icaka ijo ekonitaabala." Mam eong apodokinit.

109 Abu eong apup acelanar korot kangina, kasodi alosit ngina. Ido ajai itelepat yenimojong yenebelokina kotoma anukia kangun kokinga kanen, kojaas apoorei koreeteke kere, ido koleleete akiyo kwap kakonyeke, korami ajita, kowoi:

Aibuses kojai Okirorike!

Oo, ikatunga! Akiyo eleleete kakonyeke, abu ngesi kopala kosodi atemar, "Onac, mam ijo ijenuni nuerai ngin kiton ijo adumun Kristo lokaumokin":

Aibuses kojai Okirorike!

Kasodi eong airiun akakopiira kwap kasodi eong alosit. Oo, ikatunga! Mam ijo ipedori aingop kanejai Ngesi. Kobu do ijo da abunore kosodi alimor Nges. Oo, eumokina Ngesi! Eebo, eumokina ba.

Etajaritai kaumokin kotoma adiakar,

Iboie Yesu kajijim kotoma, (iboie kotoma)

Kangina komusalaba neabu Ngesi kitolomikina eong toma;

Aibuses kojai Okirorike!

Aibuses kojai Okirorike! Ekiror!

Aibuses kojai Okirorike!

Oo, kangina aponi kibwaikinai aokot otauka;

Aibuses kojai Okirorike!

Oo, kobua, atapar na ileleba noi ido ejijim;

Kibwaik ekonitau lokican akejen nuka Eketajaran;

Oo, oloma toma lolo, kosodete ailelebikin ijo;

Aibuses kojai...

Kwana ketuluroto awokokwes kwap, ekeutu kuju awokokanin kwana:

Aibuses kojai Okirorike! (Aibuses, aibuses!)

(Wu Edeke.)...Ekiror loketiai!

Kangina aponi kibwaikinai aokot kotauka;

Aibuses kojai Okirorike!

110 Aibuses nejai Edeke! Kanyoutu aibwo. Oo, ipak edit; aidarakinit...[Inera inac kotoma angajep ace. Koinakini onac ece aijulunet-Ekewa.] Eebo, Ejakait.

Kwana arai ejai ice yenimam ejeni nuarai ngin, Pentekosit ngin, Emoyo Lokalaunan inera. Abala Yesu ebe. "Kolototo akwapisinei kere, kolimonokisi akiro nukajokak. Etupanakinete aanyununeta nu ngul luyunete. Inerenenas kede angajepa nutetiak; idokonokinete lukadekak akanin engaleunete." Iboro lu kere luinera Ngesi nukec, epote aitodolikin.

Oo, eyalama eong noi. Asesen Emoyo Lokalaunan ebuni, aitogogong Akiror ngin? Aica, oyanga ngin, mam-mam ibuonokin. Ijau ngin aijaun ido ebuni Ngesi aismamanar kede ijo kwape ikoku kosodi aitopoloun ijo. Ngin mam ejijim kanuka Emoyo Lokalaunan aswam ngun? Emoyo Lokalaunan kamawok.

Eitunit eong apak adiopet kotoma Obaibuli, mam kes ajenete ewai loabeitor ibore abunore, abunit lokasurup, kosodi Emoyo Lokalaunan adoikin itunganan koipone kangol, kosodi alimokin kes cut bec neabeit alosit. Kosodete kesi alosit ngina, kosodi Edeke aitotolikin ajore nace ya kosodi aipikor kes. Naabeit ngin.

111 Oo, ibuni oni asalakin ijari kotoma apaarasia nuka Ebaibuli! Mam? Amen. Ducuduc, bon ebe ejai Emoyo Lokalaunan.

Oo, abwaata kwape kiwoio:

Kouparos kede Ekiror loka Yesu...) Kiitu Aisiraret.)

Ikoku yenikaiturur ka ican;

Einakini ijo aiyalama ka ainapakin,

Koyanga nges nekilosi ijo kere.

Ekiror loketiai, Ekiror loketiai,

Oo, eipone loejjimar!

Amun naka akwap ka aiyalama naka Akuj;

Ekiror loketiai, Ekiror loketiai,

Oo, eipone loejjimar!

Amun naka akwap ka aiyalama naka Akuj.

Kouparos kede Ekiror loka Yesu,

Kwape ebuku kanejai nginiloketait;

Kilukutu ijo aitemisio,

Kiyengak ekiror ngol kotoma ailip. (Ituritete Edeke!)

Ekiror loketiai, Ekiror loketiai,

Oo, eipone loejjimar!

Amun naka akwap ka aiyalama naka Akuj;

112 Ekiror loketiai, Ekiror loketiai, Oo eipone loejjimar!

Amun naka akwap ka aiyalama naka Akuj.

Opupok ekokoro ngol:

Kouparos kede Ekiror loka Yesu,

Kwape ebuku kanejai nginiloketait;

Kilukutu ijo aitemisio,

Kiyengak ekiror ngol kotoma ailip.

Oo, awooto ber bobo oni ngol:

Kouparos kede Ekiror loka Yesu,

Kwape ebuku kanejai nginiloketait;

Kilukutu ijo aitemisio,

Kiyengak ekiror ngol kotoma ailip.

Ketulurwoto awokokwes kwap kwana:

Ekiror loketiai, Ekiror loketiai, Oo eipone loejjimar!

Amun naka akwap ka aiyalama naka Akuj;

Ekiror loketiai, Ekiror loketiai, Oo eipone loejjimar!

Amun naka akwap ka aiyalama naka Akuj.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7